

湖廣通志



湖

廣

通

志



辰州府文類

本府

沅陵縣附

五代

銅柱銘

李弘臯 學士

粵以天福五年歲在庚子夏五月楚王召天策府學士李弘臯
 謂曰我烈祖昭靈王漢建武十八年平徵側於龍編樹銅柱於
 象浦其銘曰金人汗出鐵馬蹄堅子孫相連九九百年是知吾
 祖宗之慶胤緒綿遠則九九百年之運昌于南夏者乎今五溪
 初寧薛師內附古者天子銘德諸侯計功大夫稱伐必有刊勒
 童諸簡編將立標題式昭恩息敢繼前烈為吾紀焉弘臯承教
 濡毫載敘厥事蓋聞特祠接境五溪遺風上古以之要服中古
 漸爾羈縻洎師號精夫相名歟氏漢則宋均置吏稍靖溪山唐

則揚鼙興師遂開辰境邇來豪右時恣陸梁去就在心否臧由
已溪州彭仕然世傳郡印家總州兵布惠立威識恩知勸故能
歷三四代長百萬夫非德教之所加豈簡書而可畏亦無辜於
大國亦不虐於小民多自生知因而善處無何忽承間際俄至
動挫我王每示含弘嘗加姑息漸為邊患深入郊圻剽掠耕桑
侵暴辰澧疆吏告逼郡人失寧非萌詐孽之心偶昧戢兵之法
焉知縱火果至自焚時晉天子肇創王基倚注雄德以文皇帝
之徽號繼武穆王之令謨冊命我王開天策府天人降止備物
在庭方振聲名又當昭泰眷言僻陋可俟綏懷而邊鄙上言各
請效命王乃以靜江軍指揮使劉勅率諸部將付以備師鉦鼓
之聲震動溪谷彼乃棄州保嶮結寨憑高唯有鳥飛謂無人到
而劉勅虔遵廟筭密運神機跨壑披崖臨危下瞰梯衝既合

泉源汲引之門樵採莫通糧糗乏轉輸之路因甘矜甲豈暇投
戈彭師曷爲父輸誠束身納款我王愍其通變爰降招携崇侯
感德以歸周孟獲畏威而事蜀王曰古者叛而伐之服而柔之
不奪其財不貪其土前王典故後代著龜吾伐叛懷柔敢無師
古奪財貪地嘗所不爲乃依前奏授彭仕然溪州刺史就加檢
校太保諸子將吏咸復職員錫賚有差俾安其土仍頒廩粟大
賑貧民乃遷州城下于平岸溪之將佐啣恩向化請立柱以誓
焉於戲王者之師貴謀賤戰兵不染鍔士無告勞肅清五溪震
聖旨越居平疆理保乂邦家爾宜無擾耕桑無焚廬舍無害樵
牧無阻川塗勿矜激瀨流湍勿恃懸崖絕壁荷君親之厚德我
不徵求感天地之至仁爾懷寧撫苟違誠誓是昧神祇重予子
孫庇爾族類鐵碑可立敢忘賢哲之蹤銅柱堪銘願奉祖宗之

德弘臯仰遵王命謹作頌焉其詞曰 昭靈鑄柱垂英烈手執
干戈征百越我王鑄柱庇黔黎指畫風雷開五溪五溪之險不
足恃我旅爭登若平地五溪之衆不足平我師輕躡如春冰溪
人畏威仍感惠納質歸明求立誓誓山川兮告鬼神保子孫兮
千萬春

元

重脩郡學記 節文

黃清老 提舉

辰陽在鄂西南山中漢爲五溪蠻夷之地歷代以來視若要荒
奮發武威鮮尚文教至正甲申前國子祭酒大中侯來監茲郡
下車抵謁先聖顧瞻禮殿創于紹興朽蠹莫支即以事聞于省
憲首命有司遷民居作都門於酉水之上山川清淑之氣感萃
焉侯曰科目破荒此其兆也值瀏陽張君法珮來主教席即以

牲幣造門請曰子名久著鱣堂中宰相子志盛登于成乃計役
須材消言鳩工蠻長聞之願以楠木百株來貢丙戌春梓具水
繡不得達候虔禱於神疆吏告曰昔子夜聞溪中喧聲如萬人
使偵之若有言曰我等送木于文廟無他也及伐鼓迓之寂無
所有豈群材將至神以告歟越三日夜大雨溪暴漲溢達旦巨
木咸泊城下大小諸用畢具乃撤故屋築增舊基其壇三分之
二七月甲申植新柱將以丙戌上梁侯必欲得梓木求之弗獲
前一日遠人以美榎獻視之從理燦然如龍文周圍二尺有奇
長短適中度眾歡呼曰神所爲也不鼓而戒再逾月殿成度其
崇九五雉有半其廣四筵有九分之四其脩九十九有二正楹
十有六傍楹二十九三十有六其南列門二十扉中容局十五
四阿重屋上樹螭尾下承藻井甃以龍石覆以碧瓦廣大高明

堅密固遂誠爲湖北諸郡之冠宜紀功貞砥以示久遠張君以
快來求書其事予惟聖人之宮新矣所謂革舊而復初者其亦
有要乎曰道以學明而氣或昏之行以志立而利每奪之身以
誠定而欲恒遷之撤是三者其惟主一乎侯期待多士進爾知
成爾德而作興爾同類以爲此邦之光繼今當與斯學俱新可
也謹書之俾無忘焉

重脩郡學記

歐陽玄

翰林學士

皇帝臨御之十有六年詔中書申明選舉守令之法通議大夫
辰州路總管恒陽史侯鈞以嶺北湖南肅政廉訪司僉事被選
來牧是邦期月之間郡政俱舉時思靖兩州徃寇出沒湖南北
境上湖廣行省相臣帥諸路兵討捕辰陽正當其衝軍興浩穰
倍於他郡史侯才諳優裕調度有方事皆不擾而集一日稍暇

說學宮仰視大成殿輪奐雅美問之則前監郡之所造也
視門廡齋舍簡陋相乃無一克稱喟然嘆曰前政作新功有未
竟留此以遺我也我之所遺較之前政其時雖有勞逸難易之
不同假令能者居之俎豆軍旅之事彼此烏得廢其一哉於是
料功以計費相勢而度地議既允叶先建東西齋舍各五間計
楹六十以處學者次闢殿前丹墀廣三十尺有奇今廣為五十
尺兩廡以石甃其崇五尺從七十尺衡二十尺為屋各七間計
楹四十有八刻從祀百有八人象左右相鄉還拱其中闢地東
廡得故宋乾道丙戌刻天文圖於地中距今至正己丑百有八
十四年眾以為異乃跌置殿後應門舊為重屋今改為門五闕
而崇其基增舊十尺外為靈星門護以碧瓦周程張邵諸君子
及鄉之三賢曰虞善卷曰楚屈子曰漢宋均之祠在六經閣之

左右者咸撤而新之教授有廳事舊徑由靈星門之內衆議改
之東鄰又侵學地侯未及言自歸其疆乃闢徑循宮墻之東入
已而西鄰亦歸所侵東西宮墻皆得繩直沅陵豪民楊某等據
學田五百餘畝及浦口陳某等隱賣學地皆訟數十年不決侯
一舉而併復之教授古雲陳良言既相侯經畫至是具侯美蹟
求文而刻之石焉惟辰陽爲郡在黔巫之間距江漢之域不及
千里而近嘗意天地之情其氣未嘗不欲一出於正也日月運
行有遲有速天度贏縮有不齊焉故餘分置閏月山川包流有
遐有邇地勢夷險有不齊焉故荒服爲偏方人受天地之氣以
生清濁高下有不齊故有智有愚焉天不以地之夷險而異其
覆地不以人之智慧而異其載故聖人於五方之民不一其俗
而一其教矧我皇元幅員萬里踰辰陽西南未有紀極辰固內

地也昔善卷負當世盛名避帝者之讓先秦遺民挈上世遺書
避嬴秦之烈不之他郡而之辰陽必其俗之可與爲善而後居
於是也今夫天下之至善無過於帝世之讓德古今之大訓無
過聖人之全經辰有斯二者焉且洞庭瀟湘以西極而放於涔
陽淑浦之裔盡屈子離騷之鄉也其文與日月爭光者其民耳
濡而目染也范史載漢尚書令宋均初爲辰陽長除淫祀立學
校由是向學者多其功豈下蜀文翁閩常袞乎閩蜀自二公爲
政至今坤文建學中國士往往矜式之今史侯申宋均之化作
新之機實在今日將見辰之邦人慕善卷之遺風而能興讓德
於習俗好爭之地思先秦之遺書而能求全經於人心未漓之
天能一變而爲鄒魯孰能禦之閩蜀云乎哉史侯名鈞字衡甫
開國勳舊丞相鎮陽忠武王之曾孫江南行省左丞之子也服

勞王家世竭忠誠以風紀典郡公平正大而有弘厚忠愛之度
焉係以詩曰盧溪之野巴黔之墟水曰作噩川曰執徐厥民耽
耽三代之餘里有古俗山有古書史侯作牧民奠厥居羽書曷
來稷糴芻茭鄰壤孔邇我駟在郊史侯蒞政治焚不撓維彼不
撓釐此間暇除道頽宮言稅我馬禮殿有恤居侂王者旁睨
廬淞隘庠下斥隘以廣增庠以高我堅斯伐我植斯陶以戒以
城以填以獲士不知役工不告勞嗟工有肆士則有齋布絃授
心師友乃徠乃拓兩序以肅從祀衝統絃緹拱鄉庭止乃攬
觀築臺爲門列戟在錡應門言言外閎鼎峙靈星是象兩立曩
朽施畧其上宮墻旣直行道旣辟侵疆來歸學廩以益侃侃史
侯鎮陽王孫周爰咨諏于隰于原咨諏來周畀以虎節適我山
國共就列在漢之世漢史之循始訓我民尚書令均昔均今

鈞聲應氣求時維兩侯詔我今猷勿謂儒紆文敷遠柔勿謂民
蠢乘歌來游昔均在邑搜討溪獠干戈甫戢鍾鼓是考今鈞在
郡師次沅靖詎以戰興而弛學政告成素王以醕以脩有牲豐
室孔碩且阜舞勺有佞飲泮有酒我佞維辰我酒維醕烝烝西
笑言歸辰矣洵美史侯黌室新矣黌舍新矣邊豆陳矣史侯猷
穀邦蓋臣矣詩三百篇魯有泮水詞臣作詩俾魯專美以獻采
詩以屬太史

尊美堂記

陽尚

朝廷設官分職置肅政廉訪一司蓋欲肅清天下郡邑也成周
之法布政於邦國都鄙既建其牧又立其監蓋近民牧養之官
必有廉察監臨之者於是庶政不嚴而自肅矣歲在甲午廉訪
張公分司於辰乃言曰孔門之問政者多矣尊五美一章弟子

記此以終篇帝王治統相承之後為政而肅其淵源孰有詳於此者乎於是大書以名郡治之堂堂有名自公始也愚嘗即五美之目而考之所美者皆美也而仁敬二字又其大美也乾天學也故言仁乾能以美利利天下此仁中之美也坤人學也故言敬美在其中而暢於四支發於事業此敬中之美也仁遠乎哉我欲仁斯仁至矣仁者可欲之善也欲非貪也泰不期驕而易至於驕威不期猛而易失於猛君子無眾寡無小大皆不敢以慢易之心臨之正其衣冠尊其瞻視朱文公取之以作主敬之箴泰不驕威不猛非以直內之敬為主不能也使為民之司牧者於立政造事之間皆能以体仁居敬為心則五者之美尊之尚之孰有加於此者哉昔孟子問牧民之道於子思曰先利之仁義固所以利之也此即不費之惠也易曰說以使民民忘

其劣何怨之有益以仁存心以敬持已爲政之大本也大本既立則惠政養民佚道使民特節目耳此孔子之告子張五者之目雖均謂之美也尊尚而篤行之固有本末先後之序矣雖然美與惡爲對也聖人教人之法必對舉而並言之蓋明彼之惡而後見此之美也顏子亞聖者也爲邦之問聖人教之以四代禮樂可謂德備道全矣然必放鄭聲遠佞人告之者譬諸美玉欲其不瑕也況子張之賢不及顏子五美旣尊四惡自屏此鶴菴名堂引而不發之意也司牧者盍亦屢省而深戒之哉

火星祠記

武丙發教授

星之有祠其來尚矣按天文志天有五星應五行而熒惑南方夏火聖明御宇必視其所在是以陶唐氏之火正開伯居商丘祀大火而以火紀時也蓋古之火正即火官也掌祭火星行火

政漢立祠於長安其後州郡皆有之豈可謂天道幽遠不思所以欽
崇而預防乎辰之為郡在萬山厯居擲比恒以火為憂也毛
侯伯帖木兒總管是邦首脩火政膏澤吾民戒其具縵在蓄塗
潦以備夫火者靡不究心顧瞻玄妙觀之右隙數畝厥土剛燥
而陽乃捐俸鳩材為火星祠其同寅協力梓匠服勞不踰月而
棟宇翬飛矣考諸祭法幽宗祭星也能禦菑捍患則祀之惟欲
以安吾民也且一善言而星退舍一叩頭而天反風感應之機
捷於影響辰郡之連甍接棟無黔盧赭垣之患者蓋自此始焉
故安靜之吏悃悃無華也侯之治民事神一以悃悃是存則神
安其靈民受其福德業之隆殆與辰山相為無窮矣

國朝

重脩府治記 節文

劉瑄 宣福人吏
部侍郎

辰州在禹貢荊州之域繁瓠所居之地也在漢為武陵郡唐宋
皆為辰州元改為路至我朝則為府府之公署建於國初
是時干戈甫定廢事草創故其規模卑陋材多樗櫟歲久朽蛀
欹斜傾側成化己丑秋貴陽易侯天爵出守是郡明年大稔又
明年辛卯侯方署事坐堂上驛郵走報使官將臨侯起而迎之
足及外門而堂上之梁遽折聲震如雷塵飛蔽野侯之几案悉
碎將欲上聞適僉都御史繁昌吳公輿璧巡撫湖湘事得專制
檄侯脩理侯乃多方營度得楠木千餘章其鄰郡求順保靖二
宣慰司酉陽宣撫司暨兩江諸司各以楠木百餘株來助侯召
匠計之尚以為未足天忽大雨深山窮谷木之連尋合抱見伐
多年而不能移者水悉湧而出之直抵郡城乃止人咸相慶以
為天助侯擇其良材棄其蠹朽傾囊捐俸以供百需寮佐與郡

邑之尚義者亦各出粟帛以相資焉乃盡拆舊宇大而新之經始於辛卯春二月落成於秋八月是役也增多於舊者十八九然材木百需出於天人之助而工則取於民之在官者此其所以成功速而民不知勞也工告畢郡人屬筆於予侯名貴天爵其字也

重修辰州郡治記

節文

余儼

常德府知府

辰州古楚地郡治居城中其地勢高爽歷歲既久風雨震交委靡弗堪景泰紀元之七年山西平陽石樓王公矩來守是郡廉潔有為德威並行慨然有修葺之志於是遂節已俸以倡之既而謀諸僚案貳守王公儀輩各捐已資構材鳩工陶瓦運甍朽腐者因而易之傾頽者撤而新之經始於天順改元丁丑二月訖工於戊寅六月也廊廡門堂煥乎一新規模壯觀有加於昔矣

凡匠氏材木之費悉出於官司以資給之而民不知其勞也介
沅陵令謝祥謁予求記予與公未及識因其地相隣也秩相同
也聞公之善政善教已稔故喜談而樂道之是爲記

重修府學記

節文

王直

泰和人吏部尚書

湖廣隸郡辰州其學始建於宋均在高山之巔據地之勝歷世滋久
殿堂門廡頽圯山西平陽石樓王公矩由名進士歷官中外來
守是邦首謁學宮見其頽圯謀諸貳守咸寧王儀通府弋陽葉
茂高要黃矩推府合肥賈瑄蓮幕松溪謝文英等與郡博太和
張球訓導內江郭未崑山吳芳各捐其貲俸以爲生徒士庶之
好事者倡於是求材木陶瓦甃遴工師遠近爭趨之成之不日
完美經始於天順二年六月丁巳落成於明年十一月丙戌又
聞永順保靖二宣慰亦嘗貢木修葺可見聖人之教無所不被

奚獨縉紳之士哉董其事者知縣謝祥故書其修葺之始末刻之於石俾後人嗣而葺之是爲記

譙樓記 節文

戴敏 知府

予府譙樓地棲山麓閱歲滋久頽敝弗稱予來守郡即欲改爲政有當先此不遑及明年春暴風驟雨夜作折其東北隅椽瓦剝落見者心駭是歲冬十月晦火燔自吏西舍由舍內視迤邐皆官廨而帑藏案牘皆在焉其外距樓最邇時方二鼓予起視之罔知收措亟匍匐伏地仰而呼曰天平予果何罪罰宜自躬燻不可濫無已將斂餘熄於鼓樓予不敢辭勞已而風反火旋于樓徑吏之東舍而止翌日得殘刻灰燼中上書始構之年爲至元丙子迨今蓋百八十年矣而說者謂樓制頗工巧予實畏其墜腐不敢登及是則畚土埤築方整高固伐新石磨龍石結

四壁如削規其中為門上圍轉如空洞召木正為樓將謂苟完而越八月樓成判府杜君傑推府常君龍偕予舉酒落之匠人告予曰茲樓之制義具陰陽懸時之坊檐阿四翔象四時也樓則縮五低昂屢變象五行也觚稜上仰前後各十有二應二十四氣也脩楹短柱合數八九應七十二候也予蹶然笑曰有是哉樓成東西續為吏舍若干楹同府鄧君琦外豎清軍廳旌善申明總若干楹董是役者義官李志衢劉志顯正德壬申八月

文游樓記

沈贊本府學
王訓導

辰之東城有樓曰文游歷歲既遠敬久將墜成化辛卯春三月辰州衛指揮使高君翔同知王君紹僉事王君鋼咸秉兵政同寅協恭掄材鳩工不踰月而煥然一新矣地勢爽塏辰山後峙酉水相逝重屋層簷霞飛雲布吐納祥煙佳氣而翠峯平霄漢

者也蓋以樓近府學爲士君子日所游集因以名之余謂日月
星辰天之文也山川草木地之文也人具天地之理以生庸亡
其文乎故當天朗氣清之時士君子之登斯樓威儀嚴整列几
而坐揚眉吐氣闔闔陰陽出入古今窮探聖賢之蘊奧攘斥佛
老之荒唐以至事物之有變通治道之有得失靡不究之於心
發之於言論矣其於操觚灑翰文詞華藻情思萬狀蔚然龍飛
鳳躍燦然日光玉瑩鏘然雲門咸韶之音者若然文不在乎天
地耶文其人者也文其樓者也然樓而非人則寒門虛閣寂寥
千載而終始弗傳矣人而非文則血軀塊物骯髒一時而草木
同腐矣故必因文人之游集以著其樓之名焉若夫登斯樓也
博奕飲酒浩歌笑傲以雄覽江山之勝槩則非名樓之意也又
非余之所與也

玉石草堂記

沈瓚府學訓導

咸化戊子春正月余蒞辰郡貳教在任六月不有居第僉事夏
時按部至辰修葺天寧書院為余居之越明年己丑春三月營
寢後隙地構屋三楹編荆覆茅扁曰玉石草堂以為燕居之所
是歲八月甲子夜長空一色六氣迴紫星斗森羅萬籟寂時

余我冠正襟怡神曠志獨坐於草堂中疏枝脯醢燦然雜陳於是

攝紫霞竊飲梨花春歌秋水篇適足以自樂俄頃有二人至其

氣清肅播蕩其質光輝潔白其儀度動徹天地而不凡嫻嫻乎

亭亭乎照袂並進揖而自謂東南居士瓊樓樵子也居上曰嘗

謂先生有草堂高爽幽閑朴素儉質藉是良辰試一登覽其名

玉石我知之矣蓋取居官律已節操堅白之謂歟樵子則曰不

必禮貴玉賤珉所以辯別君子小人也予應之曰玉石以堅白

言則硤硤者易缺皦皦者易污故憎者毀之愚者信之孰若孔
子道大德宏磨不磷而涅不淄乎以貴賤言則天地有陰陽草
木有蘭棘禽鳥有鳳雀江海有魚龍是其造化之不可無者皆
非名堂之義也夫玉石之精也石土之精也然而有純駁有美
惡天下古今識之者蓋鮮故卞和氏得玉璞於荆山之下三獻
國君則足抱璞而泣是石其王者也宋愚人獲燕石於梧臺之
側以爲太寶觀者胡盧而笑是玉其石者也石其王者非人之
欺已乎玉其石者非已之欺人乎欺人而其爲不智也均
矣惟其不智所以不通於理也不通於理則不明於心心既不
明耳目蔽焉是以天下古今玉其石其石者誠不多有也余
質陋學荒遠羈夷徼弗吏弗隱何以目爲堅白其節操耶何以
爲能辯別其君子小人耶又何以謂其玉爲玉而而爲石耶雖

然余有治玉石之術也以玉屑和露煮石味如羊食之飲之引
年却死故堂所由名也二子曰先生暗人也吾素知有仙風道
骨可以神游八極請與之偕行余以心困神疲不覺隱几而寐
既寤眾星沈滅玉漏殘矣東方煥明金烏蜚矣不知二子之所
之遂書此以識其歲月云

新息侯廟記

薛 河東人

古有功蓋於一時名垂於後世饗生民之祀於無窮者豈非大
丈夫抱非常之才識本之以忠誠行之以悠久而有以通神明
貫金石達古今而無間乎漢伏波將軍公援天與魁竒器度
宏邁當漢統中微新蓋稱命四海橫流之日乃遠迹邊陲混身
田牧時人弗之識也獨其兄况謂曰汝大才當晚成且良工不
示人以朴且從所好公亦嘗曰大丈夫為志窮當益堅老當益

壯公之所立固以見於此矣及其盡散財蓄心清時難遨遊隴
蜀擇所適從知崛起草竊之徒皆醜豢富貴於一時不足與計
安生民於萬世也遂謁光武於洛陽一見之頃即以恢廓大度
同符高祖稱之委直臣事功忠戮力以匡復漢室若聚米之開
示山川銅柱之威服殊俗皆公之奇謀偉績其他蕩除賊靖維
調贊翊之策尤多中興之功公無與讓及天下底定朝廷清明
雖剖符受封爵列五等榮寵並極而公不以是自佚嘗奮不顧
身志欲效死邊疆以盡臣節及武陵群蠻擾邊公遂請行兵至
臨鄉蠻即摧破師次壺頭成功未就而公卒先是有以兵事聞
於帝者時遣來監軍之人素有憾於公及至軍而公已沒遂厚
加讒誣以快其私而意效之謗亦興焉嗚呼若公之所立卓絕
奇偉駕一世之橫騁挺百代而獨出獨不兒巧夫之唇舌他尚

何言議者又以不從克而從壺頭爲公失計夫曠日老師而費糧與捷徑出奇以制勝二端利害甚明而公之慮審矣詎使如或者之言從克而進又安得能必保蠻寇之無齟齬乎是又不得爲公失計也夫以宋均之常才矯一節以入群蠻猶足以致其震懾來服若公少緩死當有他策以制蠻矣又豈云云者所能測哉夫其韜晦自養散財濟難公之大志也鄙斥奸豪獨歸直主公之大識也奇謀妙畧光輔中興公之大功也不懷晏安以死勤事公之大節也世之人臣四者有一焉猶足以名當世而垂竹帛公乃兼而有之而天本之以忠誠積久之心宜其功蓋一時名垂後世而血食無窮焉向之謗者風休電滅漠無踪跡曾何損於公之忠賢哉今辰即五溪故地距公歿垂千年而野夫女子猶知道公之威名在在有廟以祀公斯又足以見忠

義之感人，心不以古今而有間也。我

呈明大秩群神公廟之在辰者，獨登祀典，有司以時行事，無敢怠弛。人有水旱疫癘，則禱焉。廟故有亭，咸以爲神出遊之所。址存而亭廢，辰人合志興構，并他屋宇門墻之弗治者，悉完理焉。余少讀公傳，嘗壯公之爲人，及往來武陵江中，親見所謂壺頭山者，壺頭距辰水行可一日，至彼亦有廟而脩祀事於辰者，便於人之瞻依。云耳亭既新，余遂刪取公之大節，俾辰人刻之，并係以詩曰：矯矯馬公，惟志之偉，志在功名，氣不少萎。貧堅老壯，公言則然，懷竒蘊朴，罕識其賢。雲平鬱鬱，雷平震震，紫氣瓏聲，炎輝斯燼。公晦于時，爰牧爰苗，颺氣九縣，顧瞻安之。曰述曰贊，復貪豕飽，鄙不少留，聿求漢道，來覲真主，應對䟽通，謂帝大矣。高祖則同，遂委臣質，遂効臣節，聚米討羗，坦虜蕩越，四方底

平人懷安娛公不寔伏許國以軀滔滔武陵蠢蠢雜類梗化撓
邊乃負險恃勇公曰茲役老臣馳驅望請于行秉節舒舒不驚不
函既安且武試兵臨鄉蠻即摧辟扼于壺頭匪公之尤天少須
假孰測厥敵公雖沒身因則成事乃招乃來群盜無貳云胡巧
夫讒言朋興豈不暫翳事又滋明迄茲千載有顯愈赫名徹聽
聞公載史冊壺山之南辰江之許公蹟如新公廟惟古逮我
皇明祀典秩申行事以時委在守臣維公忠精厥德不爽疫癘
旱澇應求如響民感公惠欽服國章廟亭完構其敢怠荒乃圖
永久乃磨良石我纂其詞爲示無極

詹彥中碑 節文

瞿文友高平人

其畧曰辰有五溪爲槃鉢蠻獠之地漢時蠻獠寇邊伏波將軍
征之血食不絕觀清光均遺風者世莫能及公爲參軍出鎮於

辰二年軍民士庶悉心悅誠服蓋公威武以鋤強梗仁愛以恤
疲癯紀律以令師旅謙恭以下賢良恩惠以敷遠人明招以析
是非籌策以拓疆界英偉以邁群萃不然烏能既去而歌詠不
已公陞湖廣叅政端坐則江漢澄清指揮則邊陲偃仆其勲猷
德化將著乎蘄岳漢沔湖湘間又豈特辰之暮尔地耶然而樹
豐功立大節以身徇國俾人人而不忘吾以為後日之伏波也

崇正書院記

楊廷和新都人

書院之制非古也蓋宋初州縣之學未立各路間有書院皆一
時賢士大夫倡為之其名遂著我朝學校徧天下即縣有附
於府者亦各自為學而鄉社之間往往絃誦相聞故書院可不
必設辰州之有書院則自知府事婺源戴侯敏始侯起家進士
歷官南京戶部郎中正德庚午擢守辰州其為政以興教化正

人心爲首務府城外有淫祠一區又爲豪家所據前政多以楚俗尚鬼恐猝難變莫敢或毀或又以無何且代去竟置之不問侯以爲是非所以正風俗端習尚也亟下令毀而鬻之以其直市地城中創建書院其制前爲重門中爲文會之堂左右爲齋舍各三十餘楹後爲祠十六楹以祀濂溪二程橫渠晦翁南軒諸賢濂溪楚產也有先師之義法當祀程朱南軒四子或生于黃陂或宜學于湖湘而橫渠則與諸賢通祀天下禮難獨廢記有之九釋奠者必有合釋之者或以爲與鄰國合是亦有取於記禮之義其後又爲寶經之堂書院所藏不止六經而六經自古聖賢正學之心法在焉諸賢之所爲學者不出乎是揭而示之亦學者之指南也因名之曰崇正辰與沅陵故有學皆狹隘諸生至不能容書院旣成侯乃率諸生釋菜以落之復擇其秀

異者肄業其中因進而告之曰天下之道二有正有邪學者之
所以學大要在審擇之耳異端邪說淫辭詖行與吾道如陰陽
黑白之相反夫人皆知之不必深辯惟似是而非近理亂真之
說則有非至明不能察至健不能決者大學之道自格物致知
誠意正心脩身以推之家國天下其工夫次第具在六經皆吾
儒之所謂正學者學者從事於斯窮以之獨善其身是為正大
光明之學達以之兼善天下是為正大光明之業如今日所祀
之諸賢其為學必本於人倫明天人之際達古今之義制行措
反身而誠無所矯飾形於著作又深厚爾雅明白平正指遠而
辭文舉而措之則又有缺有為名實相稱不違道以干譽是之
謂正學近世以來此道不明學者或好名立異以為行或鈞章
棘句以為文或矯枉過直以為議論是雖與淫辭詖行者殊科

然其之終與諸賢之所學者不同致遠則泥或反爲正路之
蓋其生於是精察而明辯之取六經之所載及諸賢之言行身
體力行不眩於流俗不惑於異說克於心見於事業務求至於
正大光明之地而後已庶不負朝廷敦崇正學之意今日書
院之建始事者亦與有榮哉諸生皆再拜曰命之矣侯遂具其
始末白於巡撫都御史安成劉公丙使來請記再至乃克應之
是役也以辛未八月興事時參政安福劉君挺副使長寧侯君
成忠適以按部至聞而是之力贊其成又明年二月乃訖工董
其役者史中書紳之父封君鈺潘進士棠之父汰皆郡人也與
有勞効法得附書是爲記

六賢祠議

侯啓忠

廣副使

辰郡太守戴君遜之視事之明年余以邊事按部至辰辰郡務

有緒而及於教境內舊有天寧書院遺址不可復太守乃易善地構書院將聚諸士俾修習其中舉廢墜也書院前爲文會堂後爲寶經閣而其間爲祠以俎豆周濂溪程明道伊川張橫渠南軒朱考亭六夫子焉太史五清劉先生德符蚤歲游心正學以解官寓居澧太守遣使幣聘者再五清以母夫人養爲辭會鎮遠琪溪劉先生希召亦解官以歸道經澧力相其行五清遂忻然就聘至則坐文會堂旁立諸士子聞導誘掖倦倦以六夫子正學爲據依而出話著足之間毫髮不肯自恕諸士子翕然以服郡之黎老若諸士子之父兄皆歎曰正學自此崇矣太守欲名書院爲崇正以問于余余大以爲然太守乃以六夫子議見屬余時妨於邊事未暇也俄而琪溪至乃與五清合詞強余夫吾黨道自孔氏者也其道孔氏之道也顏曾諸先正皆允

吾黨見而知之者也太守矣而獨祀六夫子也曰示嚮往也孔氏既沒聞而知之者有鄒孟氏焉鄒孟氏既沒而後之學道者失其本承於是喜竒好怪之徒各售其說紛然百出而天下之耳目復聾且瞶矣斯道之中絕者蓋不啻千餘載幸而周子奮於春陵二程子奮於河洛橫渠奮於關中相與倡鳴斯道嗣是而後南閩則有朱子西蜀則有南軒朱子悅周程張四夫子之道論者以爲集諸儒之大成而當時與朱子同志者南軒也孔氏之道得六夫子賴以復傳故後之士凡爲六夫子之學者正學也然則六夫子扶持斯道之功巋然天壤間矣諸士子朝揖六夫子以進莫揖六夫子以退而又得吾五清爲之歸九竟日上下其論者又鑿鑿乎六夫子之正學則心目儼然六夫子臨之在上敢瞬息不嚮往六夫子哉此固太守俎豆六夫子之深

意也或謂南軒與考亭同志則嘗聞之矣而乃躋之於濂溪明道伊川橫渠考亭之列不復等差則未之前聞也曰不然也南軒蚤世雖其著述不若朱子之富而其志行學業之相孚稽之遺書則朱子有成論焉可以其著述之多寡而軒輕之哉大抵聖賢之道同則其心同心同則其神同楚同南軒遊宦之國也而南軒與考亭往來衡嶽間其所以吐心密語爲斯道之盟者可以質天日問鬼神雖一祠之與否不足爲其輕重而考亭顧瞻左右獨無其平素之同志遊從者在焉吾知其真漠之間必有所不懌嘗記考亭謂其分別義利之辯擴前聖所未發同於性善養氣之功則自考亭已躋之顏孟之列矣若夫昧百世之功議而泥於已見之偏則吾豈敢也於戲正學之難明而易晦也

以六夫子復太白於天下然六夫子之後徃於習俗者或

以記覽或以詞華或以科目出入二者之間此又有世道之責者之所深患而余深嘉太守之茲舉也太守理行出輦流尤篤意正學節縮公羨而爲此予忝與有司一日之責而戎馬事殷每以不克相爲愧故珙溪五清以詞議強余而余不得辭焉蓋二先生皆吾鄉丈人行徃歲同官於朝之所講評者莫非六天子之緒論且過蒙不鄙而以是屬望之部領填委之餘亦竊願持是說以求正於好古君子太守其先與二先生商度而復之余也

又會堂記

劉瑞內江人侍講

瑞觀於洙泗之教而知道在天下有不容不合于一者道也者存乎其文也合而一之者存乎其人也一不得道斯晦矣晦則雜雜則亂亂則以善其身且不可沉欲措之天下而仰希唐虞

三代之盛者也當洙泗設教時九裏糧從吾天子遊者率皆天下之英俊豪傑然其最彰彰者惟顏曾氏曾氏之言曰文會友輔云者其斯為合而一之之道乎夫三省一唯之間求諸我者至矣然乃不可不取諸人也故其言若是踵而明之者子思氏鄒孟氏而止耳自時厥後道弊文喪雜且亂者出焉蓋岐之為楊墨為老莊列禦寇為釋氏為訓詁為詞章為唐宋科舉之學至於七八而未已聚不為不衆而會亦不為不講矣要之講而非其文也聚焉非其人也吾之所謂道者不絕如髮況欲其合之於一也哉買買焉者蓋千五百載至濂洛諸君子而後知道之不容不一者奮然起而合之是故師友聚樂濂溪氏有是言也二程橫渠往往講於相國者終日乃罷巖麓之游晦庵南軒又不遠數千里而盍簪焉是皆其文者求之而反之吾身也

宛然洙泗家法存焉而道於是乎一矣以至於今而不雜且亂
者諸子之功其可少哉辰爲郡鑿山而城戴侯遜之自南部郎
中擢知府事既下車病兩學之斗偏而諸士無所於會也乃毀
淫祠鬻其地更創崇正書院于兩學之間中爲六賢祠祠之南
樹堂若干楹榜曰文會以會諸士而延四方有道者講焉乃謬
及於瑞瑞非其人矣侯且屬爲記無已則誦所聞告諸士曰侯
也名斯堂也舉斯訓也望爾諸士者信非淺哉於戲九爾諸士
會於是者若之何以副侯之志也無亦謂斯會爲科舉病者乎
夫無病也今之科舉豈唐宋類也非洙泗之道不講非其書不
讀自天子逮十庶皆然矣飲食庭戶於科舉乎何病也顧未
有體而一之者耳夫自吾之身而心而性而命也而顯之綱常
禮樂而大之天地宇宙其奧也陰陽鬼神其利也日月星辰海

嶽山澤其微也鳥獸草木炳之六經闡諸四方用之修齊治平而極夫叅贊彌綸燮理裁成之盛九其煥然而不可掩者皆文也文也者道也文不會道之不可一也是故會焉者有若易之講習者乎有若詩人之切磋者乎有若書之主善克一者乎否則群居終日言不及義抑何取於斯會也雖然斯會也非自洙泗始也昔堯舜作則有若禹稷契吁咈一堂故唐虞之化隆湯武革命則亦有若伊陟周召之徒一德一心故商周之治又洙泗之教吾夫子蓋有不得已焉耳道豈有二也然則諸士會於斯者亦唯患不克于一而憂道之不可行哉體而用之約而博之如有用我執此以往而已矣斯會何病於科舉也堂據山水之勝宏傑亢壯郡人謂百年已來曠見也游歌之餘醒心快目政古之所謂登高明遠眺望者豈不為斯會之助者耶什斯

堂者幸無失斯會也侯名敏發源人才識宏邁簡直好古少待
其祖最庵公獲聞聖賢正論故其在南部嘗應
詔論天下大計守兩即率以風教人才為首務其達於政也蓋
有本者如是云

志伊齋箴

戴敏 知府

人孰無志志在謀身我懷伊尹邈焉寡倫方鼓幣未勤躬耕有
莘一芥不苟以道自珍厥既幡然堯舜君民一志不獲如病而
呻緊其素蓄至公至仁有赫其勲天地彌綸於戲小子曷不是
循射也有的濟也有垠爾垠爾的所謂伊人求言夙夜視此書
紳

學顏齋箴

戴敏 知府

孔門高弟顏其善學厥學伊何苦孔之卓終日如愚取道其博

過能不貳犯而不校陋巷簞瓢君之自若孰測其蘊帝王禮樂
瞻彼聖門維嵩維嶽必若而人庶幾無忤於戲小子胡不是效
有刀斯龍有玉斯錯舍此而求則去道逾遠戒之勉之希其矩
矱

筆架山記 節文

咸熙 辰州府學教諭

辰州府學近城東隅去一里許其山川之秀當出俊才然并砂
石髓香木美材奇怪之物則多有焉豈山川之秀不鍾於人而
鍾於物乎景泰癸酉春二月湖廣按察司副使餘杭沈公慶行
部至辰會郡守初門康公汝芳歷觀學前氣槩曰泮宮之地前
水平漫如硯前山之左一小尖峯如筆者有硯無筆文章何自
而著雖云天設亦資人爲康公聞之唯唯而退遂召匠礪石資
用皆出已帑度地爲之其袤廣方四丈八尺漸微而上延高一

又五人而銳其首若卓筆然因名文章峯既成秋園撤棘登焉
鄉薦者九八人噫未作峯之前鄉薦何其寥寥也既作峯之後
賢才何其濟濟之衆乎遂書此以記之

軍倉坡記

李輟 邑人

軍倉坡在郡城北門其地勢盤迂甍鬱其故道磬确傾巖大坑
得以爲圃蝓蚘得以爲藪暑而蒸溽春而淤洳行者攝齊而趨
起負者弛肩而漚倭乘而至者不可以成列輿而至者不可以
方軌道路之隘且陋莫有過於此者吾自出鄉校已不履此道
十四載矣今擢正奏而歸暇於斯見其石甃而沙礫平焉橋疊
而澗道通焉向之盤迂甍鬱者直然如矢磬确傾巖者坦然如
砥行有安步負無不丁乘而駛駛輿而軼軼余乃步徐而行則
坦擬康莊也却立而望則平侔太階也遂咨於鄉友曰噫嘻平

易道路賢者之興而愚者之廢今此成功側倡作而相成之是皆賢者歟二老前而告之曰劉揮使亨作其志祝公子智相其成并等理其事衆施助其資不日成功尚未有記願爲執筆以紀其成夫樂道人善司文字者之所當爲况茲衆賢城喬喬之舊路成坦夷之周行役大而力不惜費繁而財不吝竭志殫巧如履家庭之蹊徑人之公善莫有大於此舉愧言不足以垂遠而成功善事不可不紀書曰萬世永賴時乃功故據其事而壽諸石

沅陵修學記

節文

馮誠按察使

沅陵儒學舊在西關洪武丙辰縣丞張子登奏徙城內即今學也據高爽履寬平雙溪環前高阜登其後山勢磅礴蜿蜒鍾靈毓秀誠勝地也殿堂廡舍庖廩以次皆具宣德乙卯侍御河

東魯張公王來按是郡暇日顧瞻愀然以規制隘陋
扣金甌工伐木陶瓦撤其敝舊重新大成殿戟門靈星門規制
煥然有加誠以揭處安靈啓學者之依歸矣欲勒於石以記其
事未果已而太守利津王公英知縣雲間周溥增砌益廣適教
諭浮梁計涑與王公謀拓舊基易內近地敞學前以達通衢時
以邊苗搖動未就暨新安康公汝芳來守是邦視學尤加意焉
謂非刻于石不足以記廟學興廢之歲月即日伐石于山龍琢
成碑以求予記

重修儒學記

潘崇給事中

沅陵儒學舊在縣治西一里洪武丙辰縣丞張子登奏遷今地
其規制也隘而陋至弘治壬戌傾圮日荐是歲夏四月作郡
治老子宮事竣黃冠鼓樂於道觀者如堵崇訪友至學見

爲通途傷焉不自已乃書絕句於齋壁曰泮水秋風百草黃素
王宮闕燕泥香麟不及青牛化猶有行人爲斷腸學徒見而
感憤明日以興復事咨於盧教諭溥盧揖之來即崇謀崇曰事
義矣將無重且大若倚於公帑非崇所知也諸君曰當亦何崇
曰亦在諸君而已矣某也治此某也治此能匪懈事濟矣僉曰
若是也何有遂相與爲酒禮懇致有鄉誼官者曰袁氏繼華輩
氏洪俊何氏遠海潘氏汰劉氏志顯李氏本魏氏芳周氏英八
氏者敦其事禮勸好義者輸金有差甫三閱朔所得可以即
工迺卜歲之秋七月六日告俶事請于轄司得而普明寺地以
正右部用廢養濟院地易得指揮金輪宅以正左部闢山以北
而後部正矣始繩左馬爲廟曰廡曰戟門泮水靈星門咸如制
右馬爲學曰齋曰興賢門儒門既稟庖廡舍凡得爲者亦如制

而世民力役皆以備類皆白金三千兩有奇勸而致也乙丑
五月言成功其勸勵振督則分巡副使魏公英實主之而齊
校書之勞崇與二三友不得而辭也巡按御史王公約知府張
公謙皆勸於勤勤者于時巡撫若藩臬使若分守提學諸公咸
亟是此議又能獎掖有成而徐知縣釗亦有日月之助焉正德
丁卯儒林坊牌成則符同知公觀之爲之也已已以往漸次亦
得學前諸官民居舍地闕爲路南達于街而前部亦獲正費白
金幾五百兩則戴知府公敏郭教諭麟之力而施訓道善鍾訓
導儼贊協惟寅提學僉事蔡公潮頃指惟若也鄧同知公符則
再置儒林坊牌常推官公龍則以巡撫右副都御史劉公丙之
命建文明坊牌乙亥秋楊知府公瑞蒞任無幾急先務即易置
儒門與賢門尚知縣汝弼亦能與其力自今以始百爾營度

教諭實躬其指畫監護不以寒暑懈故事秀民入學者有贊幣
補廩額者有報幣郭皆節入以克公費其心勤而才足以濟之
近時典學事者差解與儷歲之冬十一月今巡撫右副都御史
秦公全來按部問而嘉之俾分守叅政張公天相往視又能成
其未備助其不給人益勸秦公樂焉謂棠宜書勒之石以昭往
列而勸來嗣君子曰善作人也棠于學有師友之義亦嘗託以
此石且曾親執顛末者當為之役因進之言曰若稽有虞虞臣
孔深建學立師厥憂伊何教以人倫以復其性人性本善氣稟
物欲乃失其正本體之明未嘗或昏同於堯舜仰止先王而世
以仁為治則順於維茲學百度具新實弘且大奉聖有虞施教
有堂執業有舍後世名學何取於儒以思日夜與此沅陵在古
南服俗畧風踈春秋中葉邑知禮樂鄉有詩書其在于今文化

浸漬逢掖克塗儒風盛矣乃務茲實斯為可貴區區科第現
詞章非儒之讓聞古曰通天地人始謂之儒人與天地本同一
性特形之殊欲為其儒當求諸此勿急勿緩將為已耶抑為人
耶恣自斷神哉此心以誠而治以偽而亂德養有道致知有方
斯言濯濯敬義夾持內外交養入聖何患當貴利達有義有命
尔心勿正貧賤憂戚何損何羞尔心奚病舉而措之天下之事
如建瓴然尔誠願學術亦不遠機在心專先聖後聖千言萬語
維心是傳此處見透儘有商量曷不拳拳自漢而後郡邑置學
實廢名存越唐有詔天下之學廟祀孔子載觀其蹟曰惟漢唐
教若至矣柰何百家人競異說嗷嗷些言克耳填腹人惑多岐
心學湮圯天下英才濟濟斯壞吾道益否迺有偽儒假口聖賢
以售私膺俗儒者流記誦口耳喋喋見聞亦已焉哉其曰予聖

誰識其真安得志士并力而作以翊聖門於皇新廟孔子在中
吾道主盟有赫學容臨水面山雄據吾辰群公振振即事維力
邾家之靈廟門有刻萬世永鑒允矣真珉

崇正銘

劉丙 安福人
郡御史

維正伊始無極之真清濁既判正由以名惟氣之正人乃有形
惟理之正與心俱生惟心之正在意是誠為學之正必理是明
言以正發動以正行仕以正進功以正成事君而正君以實業
治民而正民以變更在生而正生固尔身使斃而正死亦爾經
卓哉孔孟正學以宏嗣是而正賴有周程張朱繼作皆以正名
寥寥影響誰秉斯旌懿茲西楚千里專城崇正有院翼翼時維
祀彼先哲爰集俊英惟正是學爾墻爾雘夙夜匪懈以紹芳聲
已正人正天下以平豈煤利祿徒弋簪纓我銘崇正以求緝愷

永濟橋節文

陳秉中翰林侍講

襄陽郡當沅澍西三水合流間郡治居水之北驛通道在水之南水面廣一里而深莫測昕夕奔流勢甚激悍官嘗設舟僉役以濟往來歲久懈弛兵民遂私置小艇人有急欲渡輒抑勒牟利民甚病之成化己丑秋貴州易侯天爵出守茲郡一日以公事就渡歷數刻莫能抵岸舟稍偏而水入者數次心甚怖焉詢之於衆咸曰水實湍急冒險以進者多至覆若一渡而數十人罹患者恒有之侯相其地之可爲梁處爲舟一百四十以纜維之舟之上布以板舟之首貫以鐵環兩岸豎巨木各數十章置木輪絞纜於其後以操縱進退焉又慮其不便於往來之舟則爲一巨舟不繫於纜命數人守之每辰午申三時掣之以俟其過夏秋水或淫溢則掣數舟以殺其勢經營規畫殫志畢慮庶

通志卷之二十七
有或遺經始於是年十月六日至十二月二十六日而底於成
遂字曰永濟郡耆彥敘事同知石璠輩具顛末請奎其事於石
若其規制之詳經理之密則列之碑陰

盧溪縣

儒學記

張圖南 教授

辰四邑惟盧溪隘叢岡突阜荒墟宿莽遙望青烟白雲間出林
杪行邑里間椎結相後先言嗚呼不可辯官于茲者若難於政
教然邑人亦多良善以儒稱者未嘗不談經訓知古今事彼其
人雖侏言詭服亦豈不知有父母昆弟之屬至於應會奉約束
輸租賦曾不異於常人此蓋人心天理稟自降衷者同也十室
之邑必有忠信況盧溪所治戶凡八百餘其忠信所鍾詎宜於
此而顧有所不同哉第不知何年值邑治西偏立屋三間爲學
宮庫狹粗畧歲久圯腐且像制大弗稱祀享莫由精虔至大二
年秋王君柔克來尹是邑感然曰廟學若是何以新民觀德使

之興禮遜嚮德誼善政不如善教吾事殆不可緩遂擇地崇曠
距舊學西百步許亦既營度明年夏湖北廉訪使毛公淵按部
適來知創建有期益用敦勉尹乃制幣定基掄材埴甃倡自己
俸褚幣以至元計爲貫二百未幾樂助者縻至以中統計爲貫
合五千有奇九倡若助以錠計合爲中統二百餘又移牘所司
得郡庠米八十石爲工食其役始自禮殿高墄端嚴弘敞壯固
繇大成聖人暨四公十哲以中州塑工像之倣以魯廟龕座旒
徽式是等威於是峙靈星崇應門東廡西廡翼張其前講誦有
堂夾以旁室二齋對啓庖次廓如邑人聚觀咸謂誇軼宋舊外區
遠落亦克敬慕嘆嗟遂召其子弟入學誦習率是悅來與邑中
願學者規出矩入既越歲語言平順字畫楷莊小試學校之功
已有驗矣若其漸深積久時改月化不惟內民格於道德外民

曰將興於仁讓子游爲武城宰夫子一聞弦歌雖以割雞牛力
爲戲言而學道愛人實則至論厥後文翁用之其效隨著誰謂
以民者可以刑獄薄書夏之故而視學校爲細務耶尹爲政廉介
明敏視民如其家人所蒞雖僻壤整若大邑所居木樹蕭然門
階閑寂訟牒稀簡無日不至學宮與士輩語自經始迄今無勞
其民不害於徵物估必時工直畢給退食必身日程督置家事
不問迨暮乃歸故新學有成以此今且所規未備猶思增廣繪
飭俾無遺功又將規措學田爲養志主求圖蓋致治知本可爲
室百里法云邑學教諭廬陵羅于玉實效其勤以輔成之既訓
生徒且勵役作凡有論議克與尹合亦可謂賢也已圖南識尹
三十年相知爲深及來掾校廬溪事甚邇尹謂斯役必子一
言識其時功寧當勤於他人幸勿我辭既不獲辭乃爲之辭以

求諸鑄以示邑人尹字濟剛汴梁人


國朝

通和橋記 前文

石悅 本邑奉人

盧溪縣北有水名小船溪源出虎頭山東流三里合江界限南
比工農商旅耕樵芻牧吉凶公私無不趨涉此水溪北岸居民漸
眾官倉壇埠市民田園墳墓四時祭禱稅糧出納皆在山北之
民徭役往來貿易貨物肩任背負絡繹不絕天朗氣清則平沙
淺瀨行不及膝陰雨驟至山水合注浩然江河之勢洶湧湍急
奔渡爭舟蹴踖傾覆徒涉漂溺往往有之老弱醉病阻隔悵望
而返者常也秦漢唐宋迄今千有餘年無一木石之支豈長民
者政不逮歟抑民力不暇歟弘治癸丑春東昌許侯來宰斯邑
興利除害越三年政通人和乃擇邑中端士李時中牛誠楊軒

以任其事鼓舞作興者侯也三人則疏附先後如幹父蠱勸
金帛以身先之多寡隨其所有人皆樂從鑿石於大江東岸比
兩舟載疊砌爲橋經始於弘治丙辰五月二十一日至六月終
訖橋成高十尺長七十二尺廣十二尺費白金一百餘兩邑人
名其橋曰通和蓋美其風化之盛橋餘事耳



辰溪縣

縣治記

本縣

辰溪為辰州屬邑居盧溪上流介乎麻
 廣民居甚稀附處于郭者家不逾數十
 路當滇貴二藩要衝地為沅靖諸州喉
 甚劇焉正統己巳苗寇梗化為劫貴辰
 日抵辰邑縣治坊市蕩燬無遺村落居
 朝廷命文武大臣率師討平之民賴以
 令尹杭侯宗道請曰邑治為承宣 聖
 也今既被燬于寇宜擇勝地興建以為
 阜白古城坪者為前代縣治民昔盛至
 十八里合請復建于

通志卷之二十一

辰州府

斯侯乃偕予輩率眾徃視之左顧則桑溪紆繞邑道而出於辰
前瞻則一水縈抱仙山而至於西二水接大江合流澄深莫測
其長洲突起江半邇迤亘於學外通衢之曰狀元洲其峭壁屹
立江渚環聳顛于縣北廣恩寺右者曰公雞崖觀其山川四繞
地勢夷曠誠佳勝之區也侯遂以情請于郡守潘臬咸得其允
時僉憲餘杭沈公慶以協贊軍務駐節於公邑首觀之固許其宜
且憫邑之小而力不逮侯當以興復為公無以艱之為慮吾其
有處焉公使命龜契之以定其向皆俾侯代諏日前除荆棘艱
基址繼諭勸諸大邑助以美材又訪求諸良匠司其工役無至
輒加勞力替其成藩司大叅甄公元吉公勉臬司僉憲駱公
數過皆慰勉成之而郡守康公汝方亦以邑待之興凡務之出
於邑者屢加寬省俾成厥績侯乃毅然忘心殫力早作夜思首

捐已俸以資之乃先前荆棘築垣闢基布

日食需應之費靡不謀度周密措置有方

愈憲公之心為心弗克少懈以景泰辛未

先繚以墻垣壬申正月丙辰建公廳其左

與夫儀門解宇等屋皆次第完立崇廣深

朴素堅緻規模之雄壯軒敞煥然一新誠

基矣侯乃屬予記其創建顛末以告將來

於數事之興舉則係乎人又必人與時會

難而易耳夫茲邑之建當苗寇殘毒之餘

揚邑民之財不困邑民之力僅逾年而巋

愈憲公之綱維區畫侯之公勤幹理又得

慰勉矧又遭逢 聖天子中興隆盛之時

遠境寧謐之日故事

凡木土瓦石之役

無征擾於民能以

月二十五日始工

幕廳右為架閣庫

各稱之其柱石之

以為斯邑久遠之

于惟物之存燬固圍

所以興舉其事若

歲艱物乏之際乃不

然成就如此盖由吾

浦泉郡守諸公同心

同心

故事

之興舉若難而易者宜也於戲昔者邑建於此嘗有五十八里
之民廢又復作予固知斯邑之興盛斯民之殷庶必將倍蓰於
昔矣而所以安享 聖朝太平之福者詎可以世計哉然後之
爲是邑惡得不思今日創始之艱益加拓 崑俾是續與山川相
爲悠遠也歟謹書所見之詳以刻于石俟 來者有考焉

淑浦縣

國朝

長慶橋記 節文

張時 泰和人進士

淑浦之東一里許有溪曰兩山中出名曰長冲南流入於江居
民病涉者嘗鑿衆架木爲梁久而壞有年劉仲琳氏不忍人徒
涉也召匠度材乃出已資取鍛于冶取石于山悉心橋之其橫
七尺其崇一丈有奇其縱倍於崇之數始於成化乙酉之夏行
落成於是年之冬季通東西會南北行者便焉其祝願之曰橋
茲水者其亨長慶乎因名其橋曰長慶仲琳之從弟上舍生虎
謁選來京徵予以記仲琳妙譽可以爲難矣宜平行者之祝願
之也吾知其慶之身於身延於子及於孫曾者亦當如長冲之
水永永無涯涘也予爲之記且申之詩曰長冲之水何其長兩

山瀉出波決決行人渡水憂無梁坎渡不渡心徬徨劉郎好義
名孔彰琢石為橋堅且良口碑到處多褒揚銘心刻骨多難忘
慇懃稽首呼穹蒼願爾福壽遐且康俾爾世代熾而昌作詩寄
爾鑄道傍億千萬載垂休光

孤崖記

張文晉

涑川邑治東有澗曰宣陽遡澗而上僅一舍有里曰獨石澗水
經焉吾族子霖者居之其里跨清塘引黃潭前梅嶂後柳營澗
有巨石峙其中流宛若龍門之砥柱者孤崖也盤盤焉岌岌乎
岩蹲若踞若沉若浮匪迴波以為淵遠春雨霖霖溝澮盈溢夏
澍暴作巖傾壑瀉潦水橫奔斯時也洪濤簸空怒湍吼雷乃能
遏迅流截逸潤涯浹按堵免決壑之患居民安之皆孤崖之力
時乎入秋天高氣清潭靜水碧晴日霽月飄風舒徐流輝散

石影映水水光浮石情態萬千此則孤崖之奇觀也罷漁者可
以曬網持竿者可以為磯商舟旅舫以維纜遊人賞客以臨流
歌則巖谷應聲吟則山川供興此非人之有得於孤崖者耶夫
混沌判二氣分乾坤立流峙形峙之中靡不有石石峙類也峙
為山以靜而壽仁者樂之今孤崖之為孤崖不摧折於湍浪不
鑄磨於雨露岬嶸林谷之下屹立煙波之間傲睨今古如一日
此非山以靜而壽歟僕非能造作記孤崖者



命
日
者
之
下

原
州
又
三
二

沅州

水

昭靈廟記

黃留

廬陽知縣

三閭大夫楚之放臣耳其祠幾遍于楚地去千載遠人敬之不
忘說者稱其憂思而作離騷又謂楚人高義而偉其文是皆專
以其言而論三百篇曰頌曰刺作者不一而後之嘆慕如吉甫
史克蘇公者祠亦闕焉嘗質諸傳大夫平生事不多見然入則
與王圖議國事以出號令出則接遇賓客應對諸侯始任之亦
重矣終雖去國而睠顧不忘若不可以一朝去夷考其人實明
乎君臣之義於言直記焉耳在易之辭尊卑貴賤之定位而人
之大倫以立羲昊以降臯稷契之事其上都俞吁咈真清發
見不翹家人父子之相唯其於踈間之機不萌自時厥後殷之

三仁周之二老或死或去一時進退而世之盛衰係焉大夫出
百世之下當戰國陵夷異端並興無復先王之法至或視其君
知寇讐委而去者獨能正道直行轉蹇好修以信見疑以忠被
謗魚哲王之不悟而不忍懷其情而不發又不肯委厥美以從俗
以至恐惶與之敗績傷靈修之數化吐露情實歛歔反覆尚與
其君之改庶幾秦不入楚不危而臣之職得矣一尚官大夫吾
何與書後之人深求其志則君臣之義如之何其廢之彼懷利
以事其君固不足道若夫諫而不用悻悻然窮其日之力以去
況可與語殺身成仁之事哉大夫卒于自沉要非私其身者其
有功於世教多矣由是而觀以死勤事自當祀於其地顧乃以
言而取之豈為深知大夫者耶沅在五溪之間去郡五里邦人
築宮以祀其來已久水旱有禱必應祠故無記僅刻本傳于右

三君病其缺典鄉之秀彥父老合辭而請於予因誦所聞如此
至於典置顛末則非今日求記之意故不書

進士題名記節文

家遇

我國朝進士科為最重賜第天子之廷者既合而題名於棘闈
又既而題名於鄉校所以崇儒化重賢才也沅州在漢屬武陵
在唐隸江南道至熙寧甲寅時入職方道化涵濡異材輩出而
進士題名未有今天子嗣位二十有三年眉山李侯麟受命作
藩會詔郡國貢士勸勵誘掖人皆奮發越明年陳君慶擢第春
官邦人歸德於侯侯曰鳶飛于天魚躍于淵此吾君作人之效
也我不可無以追前光開來哲于是搜徃牒訪故老邦人登進
士第者於東都得五人焉乾淳至今來者方盛捐帑金異學宮
傲唐人慈恩寺塔餘意龔山操觚記名其上惟諸子勉之六宋

淳祐丁未九月

國朝

重脩儒學記

高淳本州知州

古之爲國者四井田肉刑封建學校也今亡矣學校僅存古之爲學者四大則取士論政而其小則絃誦也今亡矣直誦而已舜之言曰庶頑讒說若不在時候以明之撻以記之書用識哉欲並生哉然撻則攻其過書則記其罪蓋欲與之並生而同憂樂比舜之學政也鄭人遊於鄉校以議執政或謂毀鄉校何如子產曰不可善者吾行之不善者吾改之是吾師也孔子聞之謂子產曰是則古之取士論政必於學其治所以不可及也周衰學廢不講雖親炙闕里之教者猶有以聚斂爲仕以正名爲迂以短喪爲安者道之不明不行固已久矣由漢而唐而宋時

則有若濂溪周子者出撐持吾道不絕如綫周子之道孔子顏
曾思孟之所傳也王祀之行無間海內而况沅州周子遺化之
邦其禮殿傾圮如此謂之尊聖賢可乎淳守斯土不遑寧處於
是買材鳩工陟險開林是尋是尺蓋肇工於成化己丑九月之
吉駕棟於十二月十又七日落成則庚寅之九月也殿廡靈星
門精緻雄偉儀門泮壁水更制率新淳于守土之責庶幾乎塞
矣殊不知殿廡之雄偉門墻之高廣不過尊聖賢以文耳尊之
以道則未也傳不曰尊德性而道問學知行並進所以學聖賢
而尊之以道在是矣諸生朝暮仰鑽瞻忽出入聖賢之門墻毋
徒以文尊之盍亦尊之以道無慕乎其外然後可淳敢以是厚
望焉因併記之

明山書院記

張邦奇

鄞縣人提學副使

出州城之北十里見空中蒼翠若屏障橫亘數十里曰明山其
下沅水循西麓遶州治而東曲折紆徐與明山相掩映故又曰
秀水山之前諸山之脉潛秀水而度以輳于山之下直其中者
獅子山其尾去州城可三里有明山祠古也循山而南可二
百餘步稍隆而上者爲山之首有亭焉馬堯吉者立也始生讀
書祠中旣乃築書舍于祠之右越三年爲歲甲戌乃構亭焉而
名之曰太極象物也亭之左右兩山夾峙當其前則所謂諸山
度秀水而來者突伏起匿縱橫遠近不能不可勝窮所謂兩儀
生生化而爲四十九十六者登斯亭也可以坐而悟焉甲戌之
冬吾鄞汪公汝成適以僉憲攝兵事於沅遊山而樂之進諸生
論道其中因欲創爲書院未果也將代去因留詠焉若有不能
舍去者而諸生亦依然冀其復來明年冬公果復來未幾豈

山周先生克之以侍御謫官沅之竹寨驛公聞其來也喜形於色謂知州田侯惟立曰山之蓄秀其久矣而未有發焉茲豈其會也與遂即馬生舊舍增置三之二具書幣迎克之主敘事政暇輒就而講議使諸生左右立以聽書舍前有溪懸山而下以入于秀水梁而屋之名曰詠歸舍後復構茅亭金華周侍御實夫名曰夢覺侍御公將巡貴州道于沅感夢而遊與亭之成也會故因名焉汪公曰知詠歸之趣者可以言覺矣秀水之上有洲焉其位南也命曰南離夢而覺者背幽而向明然後可以登明山矣既踰月復營文廟于太極亭之北以祀孔子配以顏曾思子及宋周程朱子爲之祭田以圖永久爲講堂三楹旁列四齋齋之外爲書舍八間其事率總於田侯始自季春工三月而竣其費無損於公松董其役者沅州衛千戶劉漢州之義民黃

倉既成汪公以書屬記予嘗觀之兩儀既闢而太極之流行也
口新而無窮載道之文始于六畫大備於周程朱子之書亦莫
非是道之生生而不已也爲博文之學將溯流而求源舍周程
朱子之書焉適哉而今之爲異論者直欲糟粕六經屏程朱諸
子之說置而不用猶欲其通而窒之竅也且芻蕘之言孺子之
歌聖人之智且猶弗遺而况智非聖人顧欲棄先聖賢之言而
不用其自棄於盲聾必矣予與汪公少相友恒不滿俗習相勗
以道于今垂二十年今茲視學於湖湘亦惟習俗之蹇陋是懼
求士於尺寸之外纔於荆卽數大郡間得三數人何其難也去
年秋將赴辰沅會汪公觀所謂明山書院者以與諸生相周旋
乃以兵事弗果來今乃僅獲一至而公已爲之倡道其間使人
含然而嚮風焉何其幸也且克之與予同舉進士實予所雅敬

乃通集于茲守之賢文得如田侯者仁乎山川蓄秀之久有
而發而茲因其會也巴夫立書院得山明水秀之地則人皆以
為快士之困俗習狃異說何啻桎梏陷窅然而彼方貿貿焉莫
之自覺也舍而趨於道其為樂豈止登明山臨秀水而已耶聞
越風者其可以愔然而作矣

譙樓記

黎淳

華容人吏部侍郎

大九鎮安邊境在揆文奮武宣威德於一方然非勝槩馮高無
以壯儀觀於萬里故古者城上闢門號稱譙櫓今人重屋據要
亦曰譙樓其名殊其觀遠覽勝一也湖廣臬司舊分四道而沅
州隸湖北成化辛丑兵部以靖州清浪銅鼓五開偏橋鎮遠等
處及天柱等所地叅貴廣民雜苗夷皆極邊奧區戎務久曠難
專責一道請增憲臣整飭兵備詔從之吏部簡於郡臬得按察

副使宜山馮公繇福建調湖廣奉 璽書專任焉公名俊字士

彥舉天順庚辰進士拜刑部主事歷負外郎郎中遷秩有學有

守憲度詳明始至跋履山川省觀要害謂沅州實據群蠻腹心

可以扼其喉無其背乃聞于朝即州治建行臺而申嚴號令按

督諸衛所完城池練兵馬備器械慎關防平獄訟勗耕種勸課

試賞罰昭明苗夷畏懷懾伏無驚遂脩明倫堂尊經閣以興學校

開甕蓬古洞以通饋運架沅水浮橋以便經行百度畢舉兵民

大和州治南二十步舊有譙樓永樂癸巳燬公圖興復而其地

隘陋勿稱宏規乃檄指揮楊徽擇通衢正中高爽處展地建立

航南澗收鉅木伐西山輦貞珉百物鱗集悉公經營群匠雲來

皆官顧役其下周迴砌石臺高三尺護以闌檻其上直中架木

板繫二層滴爲三簷總四十八楹高四丈八尺廣九尺而釐正

達道翼以牌坊仍倣古法製銅壺滴漏於樓中使番直吏按刻
警夜公無冗費私不告勞經始癸卯九月落成甲辰十一月遠
近來觀巍然煥然屹爲巨鎮而夜漏準的苗夷信憚向化愈虔
公之功增重楚邦者大矣於是指揮使魯鐸知州張官走价請
記用壽公功爲說曰今沅州貫蠻壤中而斯樓又臨州治雄壓
南陲永奠邊域所謂壯儀觀於千里者是也文武君子政暇登
焉仰瞻帝闕祥雲繚繞正在九重之上其亦乃心王室乎而東
北顧眇明山花草連屏堆繡擁吾後西南眺翫沅水澗溪拖藍
拽練抱吾前雙髻鬢瀑峯又左右鍾秀兵民願樂業於此苗夷願
安生於此士流願發榮於此商賈願留遷於此鳥獸草木願蕃
育於此皆上賜也可不体念乎若夫樓景春融卽文以弘吾仁
之時也當順春陽咸亨庶類以補益蠻方之不及逮樓情秋爽

郎武以宣吾義之時也當法秋陰裁抑群動以節制變方之大
過傳曰文武並用長久之道凡伯君子宜敬體之惟我公深明
此理寔能躬行淳舊史官也請書以告於來者當時同事官僚
衆列名於碑陰

黔陽縣

家

脩理縣治記 節文

翁末年 沅州教授

縣吏之長曰令長之治曰寺所以宣德意字吾民初無大小遐
邇之間也黔陽秦黔中郡唐天寶初更曰黔江五季不入版圖
國朝熙寧間五溪蠻平復直隸沅州官署草創規模隘陋為令
者視荒僻之邦類不屑意然山川之傑土壤之沃物植滋茂率
頡頏諸邑况風俗朴靜人士秀發陶染王化垂百五十餘年是
以中洲清淑之氣所磅礴者詎可以蠻荆舊習鄙夷哉寶慶元
年春昭武饒侯敏學來以學而為政因俗以行化民既安之環
視治所廳宇清落榭楹窗敗左支右撐達于門廡居數月歲豐
人和公私事簡命工攄財成謀自我或仍其舊或撤而新鼓樓

峻整門闌深嚴脩廊絕直易茨以瓦有庫有廩吏舍獄房各有其所高明爽愷一旦改觀闢東西為兩燕室榜以雙絕絃歌復念惟社有壇場學有宮室風化所關邑之先務社委郊關之外無尺椽庇風雨即已治東置壇設主仍作齋廳以奉祀事學雖屹立祠廟僅存自講堂齋廡至靈星懸力聖宮以乃一二三平易近民是役之興用其餘力毫髮不擾竹木材石無不樂與官為市者乃鳩餘材剏寶山書院為士夫往來歇息之所復立盍簪澄練兩亭為迎送之地至於境內郵傳寺宇悉更新之街衢亦甃以石縣圃榛翳已久鉏雉而疏理之爰制有亭通材有徑松莊有廬卉木之嘉泉石之勝胸中丘壑隨所高下而區以別松莊之後又建社倉列規畫備先具大抵不專為遊觀設也邑人請記不復辭因以發侯之志云

重建儒學記

黃當 知縣

縣有學尚矣黔陽爲縣自元豐三年始學建於有縣之日中遷徙今錢令衢乃撤而新之當適長隣邑聞之喜逮官滿道其境學之職事率其徒來請曰學舊隣縣治歲久復敝淳熙間唐令介壽移卜於普明寺東地偏且隘居弗遑處嘉泰改元錢令來獨慨然爲已任一曰過城西得爽塏地黔水在前澗水在右重峯抱合僉論稱允遂改築焉經始於二年七月告成于三年十月廟學崇嚴有加於昔邑人誦服令尹之德願乞言以記當何敢以固拒焉嘗謂長育人材其根本在郡縣而縣尤爲先古者國有學家有塾黨有庠術有序其學自小成至於大成其升自命鄉論秀而至於造士培植素養則成材亦多自秦變古浸失先王之制故士之成材者難惟我國家人文以化天下立學於郡

又立學於縣本末次第超軼漢唐論得士於郡縣於斯為盛然
近之為令者往往簿書期會不暇及給而況及學校鄉黨之化
凡縣之上郡少不暇百里甚或倍蓰窮鄉陋士居無師出無友
欲自至郡學其道無由求其卓然有志能擔簦負笈者鮮矣錢
公是舉可不為政之先務乎諸生藏脩遊息既得其地山川之
靈當有以發其秀者惟錢令益推誨養之方惟諸士亦務進脩
之力實則於國家教學之意斯無負矣

又

魏了翁蜀州人

大學之道必誠其意必謹其獨皆以求其本心而無失焉耳夫
天與人一氣也人與萬物一体也誠雖無為幾則已動已所獨
知人未有不知是故聖賢之教因其有是實理也為之建學立
師以申其義焉使人即事親敬長之義道克之於仁民愛物之

廣博事倍習必著必察如是而爲仁義禮智之性如是而爲剛
隱羞惡是非辭讓之情苟有秋毫之不合則僂焉不能以斯須
其曰必誠必謹云者會是則爲失其本心不足以謂之學爰自
科舉取士士讀聖賢之書相與講切究圖曷嘗不知此理有如
詞華之喪志記問之溺心權利之僭誼奸邪之病正淫蛙之亂
雅慘刻之傷恩聚斂之妨民虛無之害道妖妄之疑衆皆知辭
而闕之而夷考其朝夕之所汲汲者則不惟實有事乎此而又
出此數者之下焉於是小有才則溺益以深居近利則壞逾速
蓋其說曰正學以言則有司之所必棄直道而行則斯世之所
不容故雖心迹言行顯然不相顧而人不以爲怪以此胥訓胥
告固可以鄙又有諱其名而踐其實者豈知垂逢得喪有義有
命况正學以言安知其不合直道而行安知其不容此不惟待

已之涼亦望人大淺其為不誠不謹亦甚矣竇慶初予以辜戾
徙靖始亦鄙陋其土夷其民徐即之而不然蓋民不知有紛華之
悅故寡私易足士不知有科舉之利故直實近至祀事往往用
敬戶雖功總亦疏食以終喪吉凶不以佛老無塔廟僧牒之耗
歿人猶有大布之冠者既乃辰沅間亦莫不然然則斯民也視
小有才而居近利者固不可同年而語也矣甘受和白受采使
因其去本未遠有以開導扶植焉視他邑不既易易乎昭武饒
君敏學故朱文公弟子也為令黔陽疏治救正摧奸遏強威行
令孚粟衍財物忘以父兄所講淑其人民縣故有學於治寺之
東嘉泰後錢君潤移之西南羅君方疇又為禮殿餘悉未備饒
為門墻繼治殿屋室齋室有扁庭廡以次畢具又為繪像蔡整
以嚴春秋之祭今貢士焉

其役事謁記於余夫饒君既知

所以學其民而定邑之民寡慾易足質實近本文若此余雖不
敏亦不誦所見聞期有以告於邑之人相與反諸其本心明辯
而篤行之以無負興學之意云

昭烈廟記

饒端學

司理
參軍

昭烈廟者南嶽忠靖王行祠也寶慶初元夏四月端學之母弟
敏學來令此邑視事謁廟廟貌毀撓顧懼弗稱靈威越三年疏
理賦餘得緡武倡邑民撤新之子來叶力不貲落成走書湘中
屬紀事案朝奉大夫方公師尹淳熙後記云昔官京口被旨賑
濟淮陰因讀棄指亭記始得王顛末王諱扞姓張氏唐天寶中
家滑之白馬任俠尚氣每出輒袖金推安史之亂張巡許遠保
潁城抗祿山駐陽築臺募死士得南齊雲為將齊雲與王素厚
善遂具入睢乞師賀蘭進明進明本無出師意且壯二士欲驅

留之爲大饗張樂靈雲慷慨言曰出睢陽時人不食彌月矣義
不忍食縱食亦不下咽今無以反命何請置一指以示信因拔
佩刀斷指血淋漓以示進明王感齊雲之義瞋目裂背視進明
亦斷一指偕還射浮圖天著其上碑半竒曰吾還破賊必滅質
蘭此矢所以識也城陷王與齊雲巡遠皆死之又案清湘志政
和初賊徒潘宗岳犯沅州城危垂陷衆急有禱宗岳縱火有返
風賊不能近俘又云聞若有呼外兵來援遂退卻四十里州上
其事特封靈祐侯然所紀歲月無記文竟不知何爲而初端學
惟忠義之士此心更千載如在爭光日月雖晦蝕於一時而天
寔顯之有終不可得而逸故王姓名可逸於三十六十之間而
威德在人自不能忘於沅水之上今考忠義傳又載巡遠齊雲
敗賊寧陵別將二十有五而逸其姓名者亦四人益知山顛水

淫斷碑遺文有助史闕為多端學既記事遂復書仲氏使伐石而顯之其辭曰唐侮厥德遂頹三綱制胡謀夏眾起漢陽錦翎蹙裂漏雨林林士夫厥用其孰敢當睢陽孤壘以百當萬敵選江淮賊勢沮緩中丞倡義其下答響齊雲乞師王寔俱往賀蘭不軟不肯出師雲與王誓棄指示之矢沒浮圖精神若此異時破賊繼之以死不滅賀蘭有如此矢史逸其名天顯其傳詩示來世何千萬年

饒公祠 節文

單銓 教諭

寶慶三年黔陽大夫饒公新廣學宮既成鶴山先生侍郎魏公發明大學誠意之旨而為之記眉山李肩吾為之書料院庾使董公名其堂曰敷教諸公感泳德賜則相率於堂之東為祠以壽之祠成乃舉酒為公壽曰有天下國家者不可一日無學今

敝陋若是撤而新之今之職也吾盡吾職而已諸君是舉予未
敢聞請辭有進於前者曰人得其欲則感之深吾邑在夜郎西山
川草木嘗經騷人墨客題品士生其間非無秀拔者獨以爲師
帥者鄙其遠陋而弗之校不然則簿書微訟而不知教間有志
於是者則又未幾去而不及教故開邑百餘年人材竟未有聞
於時雖其間有志於學有不知而不悔者亦病於出無師入無
友講習無地則黔人之私孰有切於此今先生以精明強果之
材起其廢而補其闕於是黔人之所欲一旦遂焉是其有父師
之恩於我矣則是祠也姑以示人感之深而爲不忘之地焉耳
公曰子之言則然矣余之所期於諸君者則不止於此也命銓
記之公諱敏學字遜之世爲昭武人

揭明倫堂扁記

薛舉巖知縣

黔陽屬龍標舊學宮在縣治西南隅昔以敷教扁講堂額文篆
而刻畫不楷歲久而丹青已蠹淳祐壬子予以墨綬來與諸友
講習其間思以明倫堂更之籌諸衆曰三山林君元晉曩誕生
茲邑守辰陽日遠遺三大字久欲揭而未能更之亦衆志也迺
于是年冬命工鏤刻壯改舊觀時捧鄉書赴南宮者一人而舒
夢桂果奏凱捷遂爲龍標破天荒豈非學校者賢士之所關氣
數旣回武事昇建善輦端發祥於斯額更新之後乎或曰士之
達有時得有命於扁額之更不更無繫也然古今人材較之何
優江山旺氣發之何奇不自先不自後恰際其逢若合符券繫
云乎哉不繫云乎哉予喜而就爲立石以題名於堂之側

元

重建儒學記

節文

鄭復祖

教諭

黔之爲縣自宋元豐三年始學建於有縣之日監縣朶兒赤雲
甫公自丁丑春下車之初首謁廟學見東撐西柱上兩傍風嘆
曰學舍之頽敗是誰之過歟遂銳然有漏創之志時李尹志安
公亦能贊相其事即命工計會朝夕經營竹木材石莫不樂與
自東西兩廊并靈星門悉皆初立舊有正殿講堂亦撤而新之
塗墍丹艷各得其宜黔邑之學舍亦一新裝塑七十二子儼然
如見親炙於聖人之左右余嘉其美績於是乎書

國朝

寶山書院

節文

仇僮訓導

成化十七年夏抹陵陳堅遠始授黔陽尹其冬至官明年既而
脩學以造俊士築堤以捍江害黔人無久之居七年民俗既和黔
事益簡乃復建寶山書院於縣之南亦寶山之麓中堂三楹祀

唐睢陽死節之將張扞宋黔陽縣令饒敏學東西廡各四楹以
待縣人進士之來學者張故有廟饒故有祠並毀于何時而顏
基敗老予不可尋其事獨具于宋司理叅軍饒端學教諭單銓
所撰廟祠碑始取遠有所營脩偶得二碑於傾仆昏蝕之餘考
之院爲饒令所建堅遠述職來朝箋其事之始末俾僮記之三
年庚戌正月元夕也

靜學齋記

胡琛新建人

予以罪謫黔陽會官署正堂之側有隙地一隅偏僻而遠內作
爲齋居三間以粉堊飭其壁充闢戶敞牖以納日月之光設一
几一琴架書數十卷朝夕居其中以其靜也因以名其齋曰靜
學大學須靜也才須學也非學無以廣才非靜無以成學先正
之格言至矣愚請有以廣其說蓋必視於無形聽於無聲於不

覩不聞之頃持戒慎恐懼之心俾此心之正如鑑之空如衡之
平如天之不雲如水之不波則夜氣清茅塞空或展卷而讀或
憑几而玩或潛慮而思必將與聖賢游道理必之備已以治
人舉天下事無一不得其理然後為主靜之功也學之得其
要也尚而端本澄源立誠存敬之學則不在是也

重建寶山書院詩序

桑悅蘇州府人

唐昭烈南嶽忠靖王廟宋饒君敏學重脩其兌端學撰記云讀
棄插亭記王諱扞姓張氏家滑之白馬與巡遠同死睢陽之難
敏學采悔菴文公及門之士令黔陽有惠愛邑人爲立生祠以
記之其記教授單銓撰

大明成化十有七年金陵陳君堅遠由科第起家始授黔陽令
到任以清慎自律脩學造士築堤捍江興民之利而除其害論

年事簡民安百廢具興乃於縣之南赤寶山下得敏學舊書院
遺址顧瞻興嗟遂捐已俸爲倡聚財鳩工建屋三楹一廟扞一
祠敏學虛其中以爲師席奠兩廡以束生徒扁曰寶山書院葺
建初又得端學畢銓二碑於草莽間嗚呼是豈偶然者哉於是
詞林大夫士爭作詩以美堅遠金石之聲洋洋益耳堅遠與予
同領鄉薦今幾三十年又同倅長沙公餘出諸作相示且推以
當卜子夏之任夫二客珉失其名二三大夫史失其名千古遺
恨莫難於一死而扞名逸於死節傳逸於彼而偶得於此不有
造化扶持之不使之沒世而無稱歟扞死數百年而敏學重新
其廟敏學生祠書院鞠爲草莽又三百年堅遠始院其地俎豆
敏學以及於扞扞以義忠其君敏學以仁結其民其道一而已
矣並祠可以無愧也使非堅遠心二公之心又安能舉迂遠不

急之務於簿書期會之餘哉後之視今亦猶今之視昔安知廟
貌堅遠者又不在于後日者耶詩九若千首一言之堅足以鑄
書院於無極此又出於氣機興廢之外者也

麻陽縣

重脩縣治記

戴敏

麻陽屬華夷之交山水與僻民生無異業率力作農衣食不假
外求而自足獨路與鎮算銅平諸苗相通利刀勁弩由五寨猝
然而來載其毒者無所於避邑故有土城景泰中毀成化壬辰
有都憲吳公琛者撫視惻然欲謀舉廢版鍾經始勞未集而去
土無蓬蓁之庇風雨淋澆日以崩壞縣治寄於寥曠中扃鑰靡
固官亦惴惴然針氈劔米常艤小舟於江澗寇至則偕吏肘印
亟楫以避寇退則返外此無餘策庚午春金華張焯以高安丞
擢令茲邑下車嘆曰苗狎侮乃爾城不築欲爲邑得乎會予來
典郡事令具以告心大寤之遂控于先巡撫都憲金陵陳公鎬

以此守令責也於是程事度費發帑贏金得千兩有畸俾農暇
役民從事凡屯田之戍於其境者檄其長督之助力城照舊增
式廓爲丈計五百有四又覆之屋間數如丈高一丈有五閤殺
三之一裹以磚石下闢四門門上爲重屋鼓樓箭塚峇藺巨細
畢具屹然有金湯保障之勢自是官休於庭民恬于市而苗之
過者輒一寄目而走蓋越三霜而城始稱完美及予轉今官張
令復述士民楊秀田如江輦之意來請記予復之曰大易言重
門擊柝以待暴客蓋取諸豫豫言有備也孟子曰地利不如人
和則險阻城池之固也今麻陽有之矣張令職思其憂知所先
務殫乃心力底于有成所以副予者甚善然則體恤保愛敦本
重教疑固人心之和有加無替使去之日人指之曰此城也張
令之甘棠也予不亦有光哉張令勉之後之相繼爲邑者吾知

有勸矣

重脩儒學記

節文

薛綱

山陰人提學副使

麻陽古邑也僻在萬山中密邇洞寨爲苗寇所侵燬者數矣學在縣治之西北創建於宋慶元間重建於延祐初至我

朝宣德間又重建之景泰乙亥歲苗寇倖入焚燬縣治學舍殆

盡惟不及大成殿巋然若魯靈光之獨存也一邑士民莫不神

異之輒欲脩舉以寔於財力弗克有爲更歷二三年不得已伐

朽木以爲楹誅豐茅以代瓦束縛補綴爲明倫堂爲兩齋不剪

不飾不蔽風雨大成殿雖存亦蕭然敗宇頽然土像而已師生

皆就屋外處每旦聞發鼓聲則群然而來一揖輒散去絃誦廢

絕學業因之而荒蕪矣成化壬寅冬十一月予督學至彼愀然

興嘆乃進縣尹范順諭之惟其縣小而財無所出功大而力有

弗給親爲措置區畫又命教諭李厚以饌堂餘銀助之大率功
用之直什有二三矣未幾范尹聚財鳩工殫心竭力首建大成
殿次葺兩廡次靈星戟門次明倫堂兩齋又次之學官公廨屋
宇生徒號房一皆易茅以瓦去舊而新丙午歲冬十二月予至
沅州諸生以文請予進諸生諭之曰苗寇能火學舍不能火吾
聖賢之道詩書禮樂之教今得范尹興廢起墜致力於煨燼之
餘則絃誦復作文教聿興而吾道光明自若也正猶利欲能火
人心不能火吾義理之根柢萬世一日之常性學者能因其所
明去其所蔽固其根柢之所存則方寸清明欲焰不熾小而賢
大而聖何所不至近而身而家遠而國而天下又何往而不得
其理豈特取科第榮青紫而已哉尹名順字邦祥直隸徽州休
寧人蒞官廉勤縣當火後百廢皆其所舉而脩建學校特其一

事云

重建文廟碑 節文

方統 龍泉人 訓導

弘治庚申李侯來宰麻陽見學校廢弛慨然即欲興舉值歲未稔爰及兩期合謀於統計費浩大首捐已俸市梁材次視民有餘力始誦日用工先大成殿次兩廡次戟門靈星蕭墻東西門以次而成聖賢座像逐一塑繪渾堅盛麗倍徒於昔凡百所需皆出於侯措置堂齋未畢侯以更調長沙未幾程侯繼至亦大留心於堂齋之事純高二侯之義畧註其由於碑陰以為後之有政教者勸侯名春字仲仁江西饒州浮梁縣人經始於壬戌十月己未至次年冬廟成董役則耆民黃子容聶彥宗田濟慕義則鄉民田如山宜牽連併係於後

Vertical text on the right edge, likely a page number or binding mark, including characters such as 四九.

與溪所

國朝

格苗序

劉瑞 蜀內江人
山西提學

帝王之兵不得已而巳者也迨乎後世則不然非貪則忿也
 忿且不可而况於貪乎且一夫之貪若無甚害也然乃殞士馬
 耗帑藏膏血生靈動數萬計國家之元氣為之蕭然考諸徃代
 可見已成化中葉以來數有事南夷識者徃徃有後言無亦非
 出於不得已而巳乎比群盜起內地戎馬饑饉不絕獨南夷
 幸無事鎮寧暨銅仁諸惡苗時出寇抄兵之加若不得已脫有
 就其中求其得巳者而巳之則亦惡乎不可巳也柰之何貪者
 百計噓而大之匿其實而張其形於乎人固自有心哉及郡太
 守戴侯遜之方履任或有言於侯者曰公才十 倍 有餘心能從

事當路加兵鎮算矣侯發笑曰是尚在於得已也言者不樂而去侯乃爲文遍諭之反復利害無慮數千餘言諸惡苗果感悟雖公牘有名者亦相率詣郡歎血誓不敢再貪者虞其壞已之圖騰謗載道侯一切置不問頃之

朝廷以貴州撫臣兼制湖蜀將加兵焉蓋大命煥然古帝王

用兵之意貪者不察以爲得計諸苗大懼倉皇奔掠於侯曰侯前日文諭我者果未乾也我歎血不敢負今斯人必欲斬艾我者無乃惑之乎侯盡然不能自已遂抗書當路極論撫勅之宜當路詬之爲推禍侯堅不爲動諸苗益感之私相謂曰吾屬業已爲侯歎血死即死矣母或懷貳以爲侯累自是酋領相續赴郡承侯指麾者日往來不絕父老傳誦以爲異士夫過辰善侯策者率形之詩歌萃成巨帙以示予予閱而嘆曰於乎天下事

得已而不已者何限至於兵亦然若何也蓋戰伐以爲功其賞不貲其遷不次宜乎貪者之究心而不知其流禍茲矣侯於此舉豈獨無是心明月張膽侃侃議論蓋已置官爵於度外矣鎮寧之苗一何幸歟使凡守土者皆侯是心則國家之元氣其不有瘳乎夫鎮寧非侯境也況有本兵柄者任之侯亦在於得已也然而貪者爲得已而不已之殺侯乃爲得已而不已之仁其是與非必有能較之者侯昔讀誕敷文德七句有苗格之書而有得焉是以仰體

聖天子德意推而行之獨中肯綮故能致苗之來格功化如此命錄者其知侯之心哉他日鎮寧生靈獲全活數百萬於冥冥之中者視膏血生靈者果何如於乎可以戒矣可以戒矣



宋 承順宣慰司

賜下溪州刺史彭儒猛錦袍銀帶詔

真宗天禧三年五月

朕惟天道不以晝夜而息運行王道不以遐邇而異綏撫茲下
溪州刺史彭儒猛前者省臣以不率聞朕廣懷綏念此或有所
誤不即根治乃從辰州守臣質爾子仕謹于京復優處之邇復
具陳情懇真見爾真心特賜爾錦袍銀帶以實朕勸義之懷至
可領也爾其服茲寵諭益加感勵可

詔

授彭天寶宣武將軍承順等處軍民安撫司

洪武三年正月

表

天承運

皇帝聖旨上溪為州控制溪峒必得世守之臣乃能盡撫綏之
道惟爾彭天寶自前代以來祖父皆受爵命以官其土今能保
境安民效順來附良可嘉也是用授以安撫之職俾守舊疆爾
尚益加恭順以繼前人庶副朕委任之意可宣武將軍永順等
處軍民安撫司事宜令彭天寶准此

世忠堂記

毛澄 崑山人
右春坊

湖廣永順軍民宣慰使司宣慰使彭君世麒一日讀家乘慨然
中有所感因先世所居堂曰世忠貼書萬里求記于中朝士大
夫適泰和蕭文約授永順經歷將行以予職文字遂見屬予視
其書識君之志篤于許國意者將來其無忝先訓且可以興起
其後人也乃為之言曰夫壤間惟忠孝兩端為大節忠孝立而
百行從之之福歸之彼沒世而名不稱者悖臣子之道者也不

自強其自棄於天者也未有其人自棄於天而天猶降之福
者是故畏天者尊君父樹德者先忠孝忠之於君孝之於父其
爲道相資而成並行而不悖者也今殊方貴閥之家有土地有
人民是皆傳之先世受之

天子殆有非偶然者苟知其所自之難而思保守之必能盡瘁
匪躬敬承 休命建安邊之功以承前緒以報 國恩此忠之

大者也不必徒竭力於晨昏定省之間以爲孝而所以爲孝之
大者固在其中矣孰謂忠孝世不兩全哉彭氏有靈溪之地前
古不必遠言自漢唐以來蓋已歷數百年我

太祖高皇帝甫定中原君十四世祖萬潛即命其子天寶入獻
方物願籍所有土內附 高皇帝嘉賞授宣武將軍永順軍民
安撫使洪武癸丑陞宣慰使田天寶至於君尊人正齋公四世

百餘年前創後述靡有二心摧強煦柔寔懋厥績豈不誠良世
臣哉自君之襲禮賢嚮義亦既有聲湖南尚懼世德之難繼也
則大書昭揭既以自警又將以飭其子孫俾長守勿替非有許
國之志而能之乎君誠志存乎許國斯不愧於朝家爲名將而
於彭氏可不謂之才子孫乎夫立大節以基百行而身享多福
於彭之先世見之矣君之志若此則予之言當又驗諸君之身
與君之子孫此矢道之常也昔宋楊忠烈公璩安撫播州功光
厥祖嘗以十訓刻石示子孫今君真有忠烈之心使他日子孫
亦不負君有忠烈之訓則茲堂之名不虛而君之志始無負矣
是爲記

又

李承箕

嘉魚人舉人

孔子之先有弗何父者吾聞其能讓也有正考父者而能恭也

積而至於孔子聖矣數千年而孔氏之澤不衰秦伯逃荆蠻
蠻歸之者千餘家積而至於李扎賢矣數千年而勾吳化爲衣
冠禮義之鄉何也仁義之不負於天也不亦明乎仁義之不負
於人也不亦明乎由是觀之天道感應之機不亦近乎吾楚西
南陲有宣慰彭氏者君長西南諸溪峒不知其幾百世矣吾嘗
觀古之帝王震威浹德暨於四方非徒爲夸大也又觀古之帝
王封建諸侯使各有土疆而天子畿內地方千里而已使各安
其人民非示儉也秦始皇并吞後世因之而不能復先王公天下
之意者可勝道哉我 朝廷於四方遐裔者必因其世而君長
之亦封建諸侯一方之遺意也彭氏之先見於史傳者蓋多今
君長南面聽治之堂曰世忠謁記於承箕曰古之聖賢所以渾
同物我而無所私曲焉公知之乎以之事實上以之使下以之事

事以之物物豈復有懷情而相罔者乎其所以自勵也深矣其所以戒其後而昭其先者遠矣吾聞彭公之為人民理所當順者而能不弛物情所當逆者而能不張夫惟積累之克驗安知變化之無幾乎其將超越而世已乎故為之記

五穀神祠

文淵 知府

事有近於古而或戾焉君子之所深惜也古人之所為後世之準的夫苟近之胡為而惜之解之者曰君子之所以惜之者非惜其近古也惜其未底於善也昔者魯以侯國而用天子禮樂至于隱公築宮以祀仲子而問羽數於眾仲仲也舉天子諸侯大夫之樂降殺之數截然不可易者以告之魯於是初用六羽夫廟近於古而禮僭焉宜乎眾仲之不能已於言也施溶介在遐壤聲教隔越州治之南有五穀神祠焉土人相襲歲王震

之類祀以齋羞水旱必禱弘治壬戌宣慰使君彭天祥以之
三州見祠制類敝乃命新之事竣使來請記余曰茲非所謂
古而未底於善者乎蓋民非土不生非穀不食社者土之
神穀者穀之神非人鬼也古者諸侯立國必受土於天子以立
社配之以稷爲民祈穀而報誠不忘本也是故厲山氏之有天
下也其子曰農能殖五穀夏之哀也周棄繼之故祀以配稷共
工氏之霸九州也其子曰后土能平九州故祀以配社有周盛
時公卿大夫有田祿力於農事以奉田祖先農方社之祀春秋
祈報故在侯國則有楚茨大田之雅在王國則有良耜豐年之
頌必誠必潔不敢怠忽此古人重農務本不忘所自之令典三
代之時所以家給人足海宇寧一者良有以也聖朝法古爲治
自京師以及郡邑莫不有社稷之祀其時則春秋其地則壇而

不屋其器則俎豆其奠則筐篚其實則棗栗菹醢其灌獻一本
乎誠敬率循舊章而不敢愆忘今永人之祠名五穀蓋亦彷彿
乎古人之遺意惜乎所以祀之者未底於善雖知不忘所自而
思所以報之而第未知其所以報之者乎必如內地之儀制壇
壝而不屋俎豆筐篚菹醢之類持其誠敬以將之斯可以召和
而受福韓子曰知而不以告之者不仁也告之而不能以實者
不信也悅乎故不能即乎新者弱也天祥以為何如毋徒文具
而已可也

保靖宣慰司

在彭萬里襲授安撫勅洪武三年

奉

天承運

白帝聖旨我國家以武定四方有能嚮慕効順者必授以官
惟爾彭萬里自父世雄以所保境土歸附其餘谿峒民庶
撫治今既云歿爾以嫡嗣宜襲其職尚冀同心宣力易事靖
其宜繼爾前人之志可懷遠將軍保靖州軍民安撫宜令彭萬
里准此

辰州府文類終

廣圖經志書卷之十七


常德府圖

東至岳州府三百二十五里

東至岳州府三百二十五里

東至澧縣明山界三百零六里

東南至長沙府三百八十里




南至安化縣二百四十四里

南至長沙府二百四十四里

里百二州澧至北 里十九界山

西北至澧州慈利縣三百六十里
 西至沅陵縣鎮澧界一百二十里
 西至辰州府三百八十里



里十八百三縣陵沅府州辰至南 里十二百一界洞子燕

武陵縣圖

東至龍陽縣宣布鋪五里界四十五里

柿子鋪

馬鞍鋪

大龍驛

大龍鋪

韓僧鋪

梁山鋪

青泉鋪

石橋鋪

和豐驛



社木鋪


馬坡鋪

毛公鋪

百沙鋪

德山

下石櫃



南至安化縣燕于洞界


北至澧州

山界九十里



西至桃源縣高吾鋪五里界三十五

二




一百二十里

桃源縣圖


東至本府武
以縣高吾界五十五里

北至岳州府澧州慈利



南至本府武陵縣

縣分水界一百五十一里



西至辰州府沅陵縣官庄界一百九十里

思坡界一十一里

龍陽縣圖

東至岳州府華容縣古樓驛界二百一十里

洞庭湖

山圍



鳳港

上下窖

上窖

李八堤

柳兒越

武台驛

昇遠司

酉港

國家港

押子港

黃港

接港

北壇

小北門

東樓

便倉

五通廟

字營

城隍廟

仁寺

東門

赤山

大白湖

放生池

武陽塔

儒廟

東燕廟

池

村

大滄湖

天心湖

南至長沙府益陽縣

北山本府武

龍


車保陸山

孔家

金牛

陵縣陽城分水界一百二十里

西至本府武陵縣河漢橋界四十里



鼻鋪界九十里


沅江縣圖

五

東至長沙府湘陰縣界畝口七十里

洞庭湖

北至本縣赤山



縣門河

石舊湖

南至長沙府益陽縣界

嶺界五十五里

龍陽界

南雷鋪

龍池湖

白龍鋪

河渡鋪

總鋪
營
司
南
公館

寶潭湖

馬鋪

白沉湖

上墩橋

下墩橋

清江

竹筒港

西至本府龍陽縣界南疆鋪肆拾里

羊角玖拾里



湖廣圖經志書卷之

常德府

郡名

黔中

秦名

武陵

漢名

義陵

項羽弑義帝武陵人縞素而哭漢高帝聞而義

之故

武州

梁名

朗州

隋名

常武

取詩序有常德以立武事而名

古鼎

宋名

東至岳州府華容縣界三百六十五里西至辰州府沅陵縣界一百二十里南至長沙府安化縣界一百二十里北至岳州府澧州界九十里自府治至南京二千七百六十五里至京師六千二百一十里

建置沿革

禹貢荊州之域天文翼軫分野商周時為蠻

所居春秋戰國時屬楚秦置黔中郡漢初改武陵郡治

索縣亦名義陵王莽更為建平郡東漢復曰武陵治臨

沅三國時初屬蜀後屬吳梁於此置武州後改曰沅州

隋罷郡改沅州爲辰州後改爲朗州治武陵縣大業初
改爲武陵郡唐復爲朗州天寶初又改武陵郡乾元初
復爲朗州光化初置武勝軍五代梁曰武順軍後唐曰
武平軍宋初爲朗州後改鼎州以神鼎出於此故名陞永安軍又
改靖康軍政和中陞常德軍節度乾道初以孝宗潛邸
陞常德府元改爲常德路

本朝甲辰年復爲常德府屬湖廣布政使司湖北道洪武
初撥澧州安鄉慈利石門隸之領一州七縣洪武三十
年以所撥州縣還岳州府仍領縣四

武陵縣

名臨沅

漢壽

俱東漢名

吳壽

吳名

附郭東至岳州府華容縣界三百六十里南至長沙府安化縣界一百二十里西至桃源縣界三十五里

北至澧州界九十里

本漢義陵郡索縣東漢為臨沅縣武陵郡治此陽嘉中

改曰漢壽三國吳改曰吳壽晉復曰漢壽隋改為武陵

縣屬朗州大業初屬武陵郡唐屬朗州宋初屬鼎州乾

道初屬常德府元屬常德路

本朝因之編戶四十五坊村

在城四在鄉四十一

桃源縣

名邑

東至本府武陵縣界五十五里南至本府武陵縣界
一十里西至辰州府沅陵縣界一百九十里北至岳
州府澧州慈利縣界一百五十里至
本府陸路八十里水路一百二十里

本東漢臨沅縣地屬武陵郡隋省入武陵縣屬朗州唐
仍舊乾德中始析置桃源縣以其地有桃花源故名宋
因之元元貞初墜為州

本朝洪武三年復改為縣編戶二十六坊村在城二在鄉二十一在四

龍陽縣邑名索縣古名辰陽宋名

東至岳州府華容縣界二百二十里南至長沙府益
陽縣界九十里西至本府武陵縣界四十里北至武
陵縣界一百二十里至本府陸
路八十里水路一百二十里

本漢武陵郡索縣地東漢為漢壽縣地三國吳始分

龍陽縣以流水形勢如龍縣在水之南故名隋唐

朗州宋大觀中改曰辰陽紹興初復舊元元貞初陞為

州

本朝洪武九年復改為縣編戶二十九坊村

在城二里在鄉二十七里

沅江縣

邑名

藥山

梁名

安樂

隋名

喬江

唐名

東至長沙府湖陰縣界水路六十里南至長沙府益陽縣界陸路三十里西至本府龍陽縣界三十五里

北至岳州府華容縣界水路八十里至本府陸路二百四十里水路二百八十里

本漢益陽縣地屬長沙國晉屬衡陽郡梁置藥山縣

初改安樂縣後改沅江縣屬巴陵郡唐改喬江縣屬岳
州宋祥符間因貢包茅復為沅江縣元符初割屬鼎州
元屬常德路

本朝洪武十一年併入龍陽縣尋復置編戶七坊都一坊

一里在鄉
六都六里

形勝左包洞庭之險右控五溪之要武陵志南楚上游重

湖舊壤方輿勝覽旁通溪洞宋史地理志故郢商邑唐呂洞賈楚望賦武陵故

郢之裔色夜即諸夷雜居荆渚唇齒元志山林翁鬱湖水濬闊武陵集山林翁

鬱多可獵之獸湖水武陵畧見本大江環帶群峯拱列

濬闊多可漁之魚

武陵畧見本

源大江環帶群峯拱列

高吾聳其東白鳥踞其西縣志三十六天別為一天唐白壽

桃源為荆湘之否蔭通雲貴之門九接辰沅控洞庭

縣志居鄂岳之上沅分洞庭之西漢上瓊拱其西沙浦

俯其東石後環其南柳庄護其北縣志

風俗以漁獵山伐為業西漢書地理志多淳朴少官情武陵志信

鬼好巫宋朱子九歌註勤於耕織製錦繡為業元志居民務本勤於耕織蓋自

崇觀以來製錦繡為業其常武為守節禮義之國宋鍾

色鮮明不在成都歸官下俗質朴有古風民以農桑獵漁為生藝

不求巧商不致遠不好詞訟素號易治縣志山鄉以力

學記畧見本

農為本水澤以業漁為生工商雜處好尚不齊崇祀巫

鬼婚姻信術縣志

人性和柔士知文學湖以為居網罟

是利縣志

山志木瓜山在縣東十五里

武山縣西二十里山畔有繁軻石水出其下謂之武陵溪高

吾山在縣西三十里一名西山其下即武

鹿山在高吾山古有鹿穴宋武陵溪人劉鹿逐入石穴見有梯因上豁然

開朗桑果藹茂乃以桃樹記之其後尋訪莫知所在善

濟山在縣西八十里昔有妖女祠唐人袁映楚之

霞山在縣北三十里舊名陽山武陵舊有陶金場今廢

梁山經云陽山之女雲夢之神嘗以夏

首秋分獻魚唐時漢梁松廟食於上風門山在梁山

改今名下有觀音寺傍有靈泉瀑布

門出風每風將起此門先出
大龍山在縣北六十里山
黑氣若煙霧然人以爲候

榮府在縣北七十里本名獸齒山相傳昔有僧宣
妃基在縣北三十里同遊此悟道故其徒稱鼇
鼇山

道山悟在縣北八十里許梁以此山名縣唐
藥山爲僧惟儼道場刺史李綱曾訪之
文殊山

在縣北八十里龍巖山在縣北九十里中有石橋崖壁
舊有雙松亭

大冷然水流不可龍巖山在縣北九十里中有石橋崖壁
俯視禱雨多應

山在縣北與白善德山在縣東南一十五里一名德山
雉山相近

時隱者善卷嘗居此故名山龍門洞在縣西北六十里
有乾明寺寺中有白龍井

中有一石柱八稜如玉前有觀音龕後有龍床龍盤其
上生成似雕刻然其中深邃約二里餘前後有門下有

龍潭歲旱禱明月池俗稱放生池龍池在縣東一里半
雨無不應焉

有黃龍見於水中
承拜表上賀因名
玉笋池 在縣北一百步相傳宋時
火

星池 在縣東北二百步俗
傳嘗有火星墜其中
學書池 在縣東北九十里晉

微黑色
白鶴池 在府治內相傳唐時
道人不索其價歸視之乃金也
朗人聞之競奪

授道傍貧者不索其價歸視之乃金也
朗人聞之競奪

道人所有一雙以獻翔不受道人投之池中
化白鶴飛去因以名

池
白蟻湖 俗名白馬湖
馬頸湖 在縣東北一
便河 在縣

里元郡監哈咄所
開詳見名宦類
玉帶河 在縣西北一里自火星池流

太守龔頡嘗篆秀水斗門四字有仙人海蟾翁曰此秀
水河乃武陵郡一條玉帶也他年必應後張頡為章亭

條畫平辰蠻事克東南發
運使昇以玉帶果符其識
枉水 在縣南一里源出枉山

清郎水在縣南八十里白原州府派至此沅水在縣南

此東流至龍陽縣北入洞庭湖武陵溪源出武山入沅

水紫苑洲在縣境以州槐花堤在清平雙栢泉在府廳

清列舊植卓刀泉在崔婆井傍世俗得關羽過此渴甚

又泉清萊公泉在縣北六十里甘泉朱冠隼南

泉禮佛而去後厚熙中南軒張拭榜曰萊公泉玉派

井在縣西北半里崔婆井在縣西三十臙脂井在縣北

里其水可染丹砂井在縣北一百步事見仙釋類泉赤

顏色故名如絳武陵廖氏譜云廖平以丹砂

鴻臚為臨沅令此縣有民家世壽考或百歲或八九十

歲後徙去子孫多天他人居其故宅復奕世壽考由是疑其宅井水殊甚赤乃試掘井左右得古人所埋丹砂

數十斛去其井數尺皆用砂汁因泉入井是以槎陂在

飲其水而得壽宋程願詩卅砂水湧三泉狀

東北三十里唐崔嗣業脩以溉田後廢大放鶴陂在

八十里梁崔穆於此羅雙鶴因放之後鶴街三壁一

雙送穆庭中故名後湮塞唐崔嗣業復之又號雉陂津

石陂在縣北一百九十里唐聖曆初崔嗣業開古菓陂

在縣西北一十五里唐刺求泰渠在縣北一十里唐光

史李璉脩通溉田甚傳 增脩引注白馬湖及此渠溉田千餘頃又名潤禾堰右

史渠在縣北二十里亦名後鄉渠又名石英渠唐刺史

利故考功堰在縣東北九十里一名樊陂後漢樊重隱

田郎李開廣以**桃源**山在縣南一十五里下有潭

田民利之故名**源** **涑螺山**在縣南一十五里漢馬援嘗

泛溢則江**壺頭山**在縣西二百里有石窟相傳馬援嘗

水自中過**壺頭山**所穿史云援戰壺頭不利即此地**靈**

巖山在縣北七十里**聞山**在縣西南三十五里山下有溪

花自溪流出舍舟入洞**將軍山**在縣西北一百里**安陽**

得聞神仙秘訣故名**山**在縣西一百二十里黃沙村高萬丈居民常以雲氣

後坐化去**琵琶洞**在縣境昔人遊洞中**白馬洞**在縣西

遺迹尚存**桃花洞**又名秦人洞**延溪水**在縣東五里

即道書第三**桃花洞**又名秦人洞**延溪水**源出高橋北

村流入**大敷溪**在縣西一百二十里源出**黃石溪**在縣

沅水

百二十里源出爛船洲在縣南三十里世傳晉時漁郎
香山流合沅水爛船洲放舟於此入洞後出其舟已爛

故趙家洲在儒學前江中居民種藝其上弘江月井在
名趙家洲治中互爭僉事張鎮審斷歸官

東一里水中林泉井在縣西二里其泉自湯泉在縣西
有白石如月林泉井石崖淋漓而下故名湯泉北一百

二十里常如沸湯傍又明月池在縣西洞神池在縣東
有水泉入謂之陰陽泉明月池學後

龍軍山在縣東八十里吳治此金牛山在縣南六十里
陽軍山中潘濬討樊岫屯此

寺仙翁同良山在縣西七十龍陽山在縣西南九十里
龍池風洞良山里良水出焉

中改今名滄山浪山俱在縣西南九十里下各團山
後以名縣滄山浪山有水相合出江謂滄浪水

在縣東一百六寶臺山在縣北十五里前看雷山在縣
十里洞庭湖中對橋州後連內堤

百一十里舊傳黃帝鑄鼎于七仙洞在縣南太滄湖在
鼎港口此山看見鑄鼎之龜

東十五里隋志洞庭湖在縣東一百六十里跨蠡湖在此縣有白查湖

西三十里跨沅江縣界一名赤沙湖寰宇記范蠡遊此故名唐杜甫詩殿脚挿入赤沙湖

白湖在縣東北入洞庭湖西南安樂湖在縣南八十里達安樂湖通接港入大江

天心陡門湖在縣西潭明湖在縣西山湖在縣治北七里

港東會高公橋西水在縣東一百八十里漢芷水在縣湖入下小江志云源出辰州酉陽水

十里其地多生滄浪水在縣西十五里自滄浪二山發杜蘅白芷故名滄浪之源合流為滄浪之水楚辭屈原

行吟澤畔過漁鼎口水在縣東北百二十里昔有神鼎父歌滄浪即此鼎口水出其間宋改朗州為鼎州以此

白沙江在縣眉洲在縣西十里突起橘洲在縣西五十里

長洲二十里即吳李衡種橘之所白鶴洲在縣北一十里今洲上有民數百家而橘不存

勝潭 二姑潭 俱在縣西十里 胡崇潭 在縣西二十里 牛鼻潭 在縣西七十里

長江潭 在縣西八十里 馬龍潭 在縣北五十里 崇神潭 在縣西三十里 舊名九潭 二潭

在武陵縣 香爐洲 在縣東 鴨子港 周家港 俱在縣東 李家越

在縣東 接港口 在縣東 三义港 在縣東 滄港 在縣西 康家越 在縣

西 占禾港 在縣西南 散蹤港 在縣北 龍打越 在縣北 柳

兒越 在縣北 賀家越 在縣東 辰陽港 在縣北 構陽港 在縣東 武陽

港 在縣東七十里 鳳港 在縣東 上窖 下窖 中窖 俱在縣北 明堂井

在縣西南 長寧井 仙隱井 神惠井 甘泉井 俱在縣東 冷

水井 在縣西南 鷄鳴井 在縣西 澄清泉 在縣南七十里 毓德泉 在縣南六十里

流德泉在縣西大圍堤在縣北周環三萬五千八百餘丈內有孔家車輪等塔五座正

統十一年縣丞王斌成化十三年知縣周泰脩正德初大水衝決民逋稅捐十二年巡撫都御史秦金出榜招

撫撥府縣賑濟蠲免委教諭楊肅公大堤在縣東大汛在縣東文昇督工脩築民得漸次復業

洲堤在縣西四十里周環一千八百六十餘丈脩小汛洲在縣西內有江西金釵等塔四座正德十二年脩

堤在縣西二十五里周環四十餘丈脩灰步堤在縣東十內有葉塘塔二座正德十二年脩

三千一百餘丈內有范陽李八堤在縣北二千八百餘丈水塔一座正德十二年脩

南港障在縣北四十里周環五千七百五十餘丈水塔二座以上俱正德十二年楊文升脩

保安障在縣北五十里周環三千河洪堤在縣西許陡門在縣西

堤在縣西三里新堤在縣南南城堤在縣東股堤在縣東南清安

堤查林堤院山堤俱在縣石城陂在下石口陂在中

塘上苟陂在谷柳公陂在長劉公陂在新水竹陂在大

八郎陂在安丁家陂在小劉汶陂在張水牛陂在雷荷

葉陂在石馬都陂在汛土牛塘在新滂湖塘在汛大橋

塘在石高湖塘在雷冲尾塘在張瓦子塘在小欄木塘

在安梅溪塘在大小寒塘在谷墨下塘在新檀樹塘在上

小安土地塘在小楊灣塘在中大冲塘在下安樂塘在長

樂明月池在縣東二百步具水清澈玉帶池在儒學

水縈環墨池在淨照寺唐張旭嘗龍蛇池在縣南六十

白蓮池

在縣西仙翁

放生池

在縣東

赤山

在縣東五十里唐

天寶中改名蠡山上有范蠡廟

蓮花池

在縣治

七仙洞

在縣西三十里

赤江

有紅土如珠

鶴湖

在縣東三十里水鳥所集故名

龍池

湖在縣西三十里陰雨雲霧與騰父老

相傳有龍潛此故名

石溪湖

在縣南半里氏多漁此獲利甚大

天心湖

在縣西北四十里

寒潭

在縣南

沅水

在縣西南傍湖分派逆入于湖

龍硤港

在縣南三十里

下有龍潭

卧龍墨池

在縣南三十里鳥龍寺內俗傳蜀漢諸葛亮嘗滌硯於此寺因舊名

龍角碧口

在縣東

西湖隄

在縣西半里成化初本府通判徐璟脩築知縣金靈重脩

木府

創始未詳元郡守珣璘不花築土城未就軍帥將大不花續成之城池周圍一千七百三十六

丈計九里一十三步武六年指揮僉事孫德

始闢舊基堅壁浚隍覆以串樓本朝甲辰年總制胡汝重脩洪

永樂十三年指揮同知李忠重脩城高二丈五尺城樓俱高三丈五尺正統十年指揮使夏宣補脩城樓正德

間知府王雄指揮使段輔砌江岸城墉指揮使陳鼎重

建西門城樓脩濠池東至西約深一丈餘闊十丈餘

南至東約深一丈闊五尺門六東曰朝陽桃源古無城

北曰拱辰曰上南曰下南曰小西曰清平桃源池成化

間本府通判張瑛相其高阜築土墻低窪立排柵未幾

倒朽弘治間分巡湖北道副使魏英令補築土墻知縣

季文顯築沿河土龍陽古無城池元末盜起陳友諒借

土城至今因之成化十一年知縣周泰重脩設六門樓

巡撫都御史秦金檄令督工加脩沅江縣范玉建築上

城周圍九里高六尺厚三尺無池與樓

櫓東西南北四門久傾知縣金露重建

十字街後街大街倉口街河街

同 凌豐坊 繡衣坊 珠履坊 宣化坊 唐封

鄉 在縣東四十里 永壽鄉 在縣東一百五十里 滄浪鄉 在縣南一百八十里 仙洞鄉

在縣西二十里 陀潛鄉 在縣北六十里 漢壽鄉 在縣北八十里 建寧鄉 在縣北九十里

太平鄉 在縣東北一百二十里 宜陽鄉 在縣西南一百二十里 許

上 下東田白沙城頭高墳車橋南湖東流善眷仁豐鄉 林 恣平北度上下太平上得進溪進陽同占七丘江波

廣 得南北求受洩陂上新下新陽城豐 勝 楓林落耙鴈門里田共三十八村 正街 長街

俱 在 縣南 在城上坊 在城下坊 仙洞鄉 在縣東五十里 新

興鄉 在縣西八十里 大延上鄉 在縣西一百二十里 善溪鄉 在

北 一百一十 建寧鄉 在縣北一百二十里 仙瑞鄉 在縣東南

三桃源上鄉在縣南領四村長街大街正街南街俱在

縣北街在縣北攀桂坊文昌坊全節鄉近城領十村洪政

鄉在縣東五里領四村求興鄉在縣南五十里領四村滄浪鄉在縣西十五里領三村

漢壽鄉在縣北一里領七村正街東街在縣東西街北街

在城坊長樂鄉在縣東六十里延和鄉在縣南八十里樂山鄉在縣西四

里臨川鄉在縣北八十里許以上四鄉分爲四都六七

里七

金武陵桃源龍陽石碌桃源縣出包菜書包匾菁茅春秋

不入無佛頭料霜柑俱沅江魚武陵桃源鱒魚武陵

出

戶口

成化八年戶一萬六千五百八十五口七萬九千八百一十八

十四口十一萬武成化八年戶七千二百二十八口二千七百八十八陵萬九千一百五十三口正德七年

戶七千五百四十九口挑成化八年戶四千一百三十四萬七千七百一十一源十八口二萬七千四百

三十四口正德七年戶四千一百三龍成化八年戶四十八口二萬七千七百一十一陽千八百五口

一萬九千一百六十口正德七年戶四千九百七十九口成化八年

八百五十九口三萬三千四百九十七口成化八年

九百六十八口七千一百四十六口

田賦

成化八年田地塘六千七百七十六頃六十一畝二分賦七萬一千五百七十二石四升九合七

六分七釐〇賦七萬二千七百九十三石八斗九升〇

歲辦織金胃肯熊羆海馬犀牛色段三十三疋○素色段一百三十五疋○縮八百五十疋有零○麂皮四百

四十五張○弓一百張箭三萬二千五枝弦五百條○兩京藥味一百六十五斤九兩六錢○翎毛三千二百根

○活鹿一十隻○課鈔武成化八年田三千三十一頃一百一十六貫八伯文陵四十三畝三分○賦三萬二

千二百八十七石五斗九升六合一勺二抄○正德七年田三千三十七頃四十九畝三分八厘四毫二絲八

忽○賦三萬三千三百一十四石一升五合九勺五抄○歲辦段疋○絲絹三百九十七疋一文八尺八寸○

麂皮一百張○弓三十張箭一萬枝弦一百成化五十條○兩京藥味六十二斤十四兩六錢源年田二

千二百二十二頃七畝三分○賦二萬三千一百一十九石八升七合九勺八抄○正德七年田二千二百二

十頃六十一畝三分一毫○賦二萬三千二百三十三石八斗七升八合五勺五抄○歲辦段疋○絲絹二百

五十二疋二丈三尺○麂皮一百二十五張○弓二十五張箭一萬枝弦一百二十五條○兩京藥味四十二

斤十兩 龍成化八年田一千三百一十一畝八分
二錢 賜一萬四千一百八十八石五十四升三勺正德

七年田一千三百一十六頃三十九畝八分
四千四十九石九斗六升六合五勺 歲辦段疋一萬

絹一百六十八疋三丈二尺 麂皮一百七十張
二十五張箭一萬枝弦一百二十五條 兩京藥味四

十四斤一十 江元成化八年田二千一百四十六石七斗八
四兩八錢 賦二千一百四十六石七斗八

升一合一勺 正德七年田二百四十三頃三十九畝
三分三厘七毫 賦二千二百五十一石三升二勺二

撮 歲辦段疋 縮三十三疋二丈八寸 麂皮五十
張 雜皮一百張 弓二十張箭二千五百枝 弦一百

條 兩京藥味一十五斤二錢 翎毛三千根 常德
活鹿一十隻 課鈔一百一十六貫八伯文 衛田

計九百四十二頃六十八畝八分九厘八毫該子
粒一萬一千八百三十六石六斗四升七合五勺

榮王府 在府治西北一里半鎮守總兵公署舊址王
憲宗第十子弘治十一年建內建家廟世子府

福寧王府 正德十有四年封建

公署 布政分司 在府治西一百步許正統按察分司在

治東三十步許洪武初建府治申君黃歇館客之所

成化初知府楊宣重脩 府治 在府治西一百步許正統

本朝甲辰年權知府事馬汝舟創建永樂中知府應履

平重脩成化初知府楊宣增備經歷司照磨所常年庫

附焉置官知府同知通判推官各一員經歷知事照磨

檢校各一員吏戶禮兵刑工六房司吏各一吏禮刑工
四房典吏各二戶兵二房典吏各四承發房典吏二架
閣庫經歷司典吏各一照磨所典吏四正德間推官楊
節於府治東南建理刑廳通判蔡琳於府西
建管糧廳同知何應潮於府內建清軍廳
百步成化初司獄司 在府治內置官司
知府楊宣建 獄一員攢典一 陰陽學 醫學

俱在府西一十步許洪武初置官都建置官正術正科各一員初曾綱司在大善寺置官都綱副都綱各一道

紀司在玄妙觀置官都稅課司在府西一百步洪武初知府馬汝舟建成化初知府

楊宣重建置官大慶豐倉在府西二百步洪武初建使一員攢典一置官大

使一員攢典一使遞運所在城東二里洪武初建成化中知府

九潭河泊所在城東三里洪武初建申明亭旌善亭

在府西南半里本朝洪武初知縣張子治傍縣治源建宣德中毀于火知縣燕善重建成化

初知縣徐必敷縣丞源政重脩弘治十二年知縣應能鼎建置官知縣縣丞主簿典史各一員吏戶禮兵刑工

六房司吏各一典吏各二鋪府河水馬在縣東南一里長承發架閣庫典吏各一張

子源建成化初知府楊宣同知和豐馬在縣北四里李泰通判鄧察遷建于縣西洪武初知縣

張子源建
成化初
大龍馬驛
在縣北六十里
洪武中建

知府楊宣重備
已上置官驛丞
申明亭
在縣東一百步
旌善亭
在縣東一百步
布

政分司
在縣東半里
景泰初建
按察分司
在縣東一百步
成化初知縣趙儒重

潘賢重建
府舍
在縣西八十里
縣治
宋乾德二年始創
置元末兵燹
本朝洪武初建
簿曹簡仍建
舊陰陽學

在縣西
醫學
在縣東二百步
僧會司
在勸善寺置
道

會司
在貞源觀置
白馬渡
巡檢司
在縣西南二十里
舊

建後眷村
洪武中
巡檢羅仲穎
移建於此
高都巡檢

化初知府楊宣重備
置官巡檢一員
司吏一員
高都巡檢

司
在縣南一百二十里
洪武初建
成化初
改水驛
涿羅水驛
在縣東

里洪武初建成化初燬知府楊宣通判徐高都水驛在

環建弘治間都御史閻仲宇改建東門外桃源馬驛在縣西二

縣西烏頭村洪武二年驛丞劉添建桃源馬驛里洪武初

祥從今所成化初知縣潘賢重建鄭家馬驛在縣西南七十里洪武中

驛丞李權建成化初驛丞張英脩鄭家馬驛丞徐興建成化初知府

楊宣新店馬驛縣西南一百四十里洪武中驛丞徐德

備事王玉增脩置官驛申明亭在縣旌善亭在縣

丞各一員吏各一
分司按察分司俱在縣西二百步洪武初建成化初

增府館縣有二一在縣南半里成化初知縣李泰建後知
建府館縣周泰遷縣治西一在縣南八十里成化中推
官朱縣治在明月池西洪武初知縣段旻建永樂初燬
奎初縣治宣德初知縣范舟昌重建成化初仍燬知縣
李森重建知縣周泰備正德間知縣陰陽學醫學
劉琳陳敘浦脩置官吏與武陵縣同

縣西五十步洪武初建僧會司在淨照寺置道會司在景

置官訓術訓科各一員星觀置官小港巡檢司在縣西北四十里洪武初鼎建

道會一巡檢司在縣東一百二十里洪武初巡檢任信建成化

巡檢司初巡檢汪誠重建置官巡檢各一員吏各一河池水驛在縣北一里洪武初驛丞李再興建景武口

水驛在縣東北一百二十里吳元年驛丞蕭文興訓建成化初知府楊宣移建於右知縣周泰重建置

官驛丞各一申在縣旌善亭在縣布政分司在縣

南六十步成化按察分司在縣西八十步洪武初知縣錢文

初知縣蕭智建在縣南縣治在石溪湖北共武初知縣錢文

一在縣西一在縣南俱知縣馮鋼金露繼脩英建景泰初知縣張紳改建成化初知縣范珏脩弘治中知縣馮鋼鼎建置官知縣典史一員吏戶禮兵刑工房司吏共二吏禮兵刑工五房典史

一戶房典吏二鋪長承發
陰陽學 醫學
俱在縣東半里置官訓術

訓科各一負
沅江湖河泊所
在縣東一百步洪武中知縣潘仲原建成化間知縣范廷所官

蔣忠重脩置官河
泊一負攢典一
申明亭 旌善亭
俱在縣東

榮府長史司 審理所 紀善所 典寶所 奉祠所

工正所 良醫所 典膳所 典儀所 廣益倉 廣

益庫 儀衛司 典仗六所 群牧所
已上各衙門官吏大約與楚府同

常德衛
在府西北百步許元置常德翼陳友諒置元帥國初建于城南舊治所洪武二年指揮胡

次千戶張欽徐壽遷建今所領左右并添平麻寮共四
所後調左所千戶張欽開設大庸守禦千戶所洪武十

一年又以收集苗陽散卒補左所洪武十三年調襄陽
軍士補設前所洪武二十年指揮僉事張虎奏建中後

二所洪武二十二年以添平麻察改設九路衛以領左
右中前後五千戶所成化七年指揮使夏仕麒同知李

廉僉事易繼重備弘治十一年冬遷建 榮守時都郵
史閻仲宇郎中陳珂移衛府治東百餘步指揮同知鄭

昇周輔百戶顧陞昇建正德四年指揮使段輔增備十
二年指揮使丁松增建經歷司鎮撫司左右中千戶所

俱附焉

學校

在府西南半里宋咸淳間郡守龔日升建元延
祐間郡監哈冊宏重建永樂間知府應履平朱

縉揚宣繼脩成化間知府王績增樂器弘治初知府陳
仲舒通判姚綸脩葺置官教授一員訓導四員生員廩

膳增廣各四 **縣學** 在縣北一里宋紹熙初知縣林夢
十名司吏一 **縣學** 英創嘉定中知縣戴重熙重脩元

至正初縣丞忽都海牙脩後兵火存正致 本朝洪武
初知縣張子源重脩弘治間知縣應能重脩後因建

榮府餘地以廣學舍洋池弘治辛亥知府陳仲舒建講堂
正德丙子都御史秦金陵官重備洋池被勢家阻塞正

德戊寅賑濟都御史吳廷舉復之置官教諭一社學
員訓導二員生負廩膳增廣各二十名司吏

社學 在縣南一百步宋慶曆間設元末兵燹本朝
洪武初知縣徐添驥重建宣德中縣丞徐祥知

縣嵇郁正統中知縣立繼脩補天順中副使沈慶擴地
成化間通判徐璟知府楊宣弘治間都御史閻仲宇遷

脩正德間副使魏英措材知縣李文顯脩正德十一年
知縣高昂繼脩十二年教諭馬崧捐俸增脩置官吏生

員同武 **社學** 在縣東半里許元至正間耆儒
陽縣學 吳叔高立元末兵燹本朝洪

武初知縣段晏建天順初知縣李泰脩成化中知縣李
森周泰脩弘治間推官吳潭正德間通判楊燾知縣陳

敘脩置官吏生 **社學** 在縣東半里舊在縣西
員同武 **社學** 毀於兵燹本朝洪武

初知縣錢文英拓維摩寺故址建洪武中知縣王懋重
脩成化初知縣范珏重脩弘治正德間知縣馮鋼金露

繼脩置官教諭一員訓導二員生 **社學** 在縣治西知縣
員廩膳增廣各二十名司吏一 **社學** 馮鋼金露繼脩

書院 **沅江書院** 在府東一里黃龍坡上宋末翰林編修
隱於此因建石壇精舍舍之東西為四齋嘗捐已田一
千二百畝以贍生徒註周易傳疏又吟梅花詩百餘律
粹行於世郡守李秉彛憲使姚抑齋交薦於朝屢徵不
起因授以山長頌今額賜沅陽書院迨元至元中常德

郡監哈喇仰其高風植松數萬株圍護幽雅清邃為一
時之盛丙申兵火盡廢遺址今為義阡碑亦殘缺漫滅
無文過者

皆惜焉 **桃溪書院** 在桃川宮後 **龍津書館** 在縣
梅溪七十里宋周氏建有博文
篤行懷忠守信四齋今廢址存

宮 **南薰樓** 在府學前洪武中指揮僉事孫德為學前
書南薰樓三 **尊經閣** 在府學明倫堂上元延祐 **射圃** 正
字於樓前 中常德路監哈喇建今廢 **射圃** 德

九年提學僉事蔡潮又於學後街脩射圃一區屋三間
近圃有二池一曰火池一曰滌牲池皆池近豪民侵占

近圃有

近圃有

近圃有

近圃有

正德十三年教授孫綬因都御史吳廷舉
按部舉出委參政葉相踏勘丈量歸焉
黎矩堂錄

善堂 同文堂 正心堂 茲文堂 白鶴亭
俱在府內

東詠歸亭 在府學前石櫃上
隨教子堂 在縣內宋唐介作剝時
建以教子韓琦作記蔡

襄書招屈亭 在縣東一里楚屈原投汨羅死後人因作此
亭以招之每歲端午日以角黍揚浮中流競

渡邦人 縱觀 楚望亭 在善德山上
臨睨亭 仰止亭 俱在善德山上
雙松

亭 殊山 光風亭 在縣境
清陵館 在縣境為漢令李
陵立詳見名宦類

宮 在縣南二十五里相傳晉武陵人黃道真釣魚於此
見桃花隨源流流入洞遇仙白太守劉歆歆往尋

不見其人射圃 在縣山川壇東舊在東門外因遷水驛
建宮於此射圃 改置城隍廟左繼文以曲隘遷今所

川上亭 在儒學前石墮上元延祐
仙遷亭 在縣南二十
里秦人洞俱

相傳神仙**采菱亭**在縣北二十五里事見古蹟類

內相傳唐瞿童煉丹之所**清斯亭**在縣西一十五里因臨滄浪水取清斯濯纓之義**墨池**

亭在淨照寺內**射圃****楚貢亭**在縣西二里宋祥符間祀泰山而貢包茅故創此亭

惠故**義倉**在各學內成化初知府楊宣自積俸資六百石本府學給米二百石四縣學各給一百石

收貯學倉內逐年生息取積餘**惠民藥局**在府西**預**利每月關支五十斗以膳學者

備倉有三一在縣西一百步一在縣南一在縣北六十里其二廢**養濟院**舊在縣東弘治

中知縣應能移於縣北厲鹽旁向取生**預備倉**有二一在縣南四里一在縣東三里正統六年本縣民

燕政曾輸穀一千五百石賑濟有**養濟院**在縣

預備倉有二一在縣南二**存留倉**在縣**便民倉**在

北養濟院在縣東 惠民藥局在醫學內洪武間知縣段安建今廢 預備倉

在縣北岸 便民倉在湖北岸 養濟院在縣治北巴上創脩無考

舖舍 縣前舖 毛公舖 馬步舖 社木舖 白沙舖

俱東往能陽縣路 佛子舖 南湖舖俱西南往挑源縣路 石橋舖 清泉

舖 梁山舖 韓僧舖 折橋舖 大龍舖 馬鞍舖

柿子舖俱北往岳州府澧州路弘治正德中知縣應能縣丞李時繼脩 縣前舖

古師舖 延泉舖 呂直舖 鄒溪舖 高吾舖俱東北往

武陵縣路 涑羅舖 白馬舖 挑川舖 烏頭舖 唐林舖

沉溪舖 竹瓦舖 吉陽舖 燕庄舖 長板舖

竹老鋪 唐地鋪 新店鋪 太平鋪 蘇坊鋪 寧

鄉鋪 楊家鋪 木灣鋪 俱西南往辰州 龍縣前鋪

滄口鋪 黃鎮鋪 宣布鋪 陵縣路西往武 押東鋪 望城

鋪 小塘鋪 東倉鋪 毓德鋪 常齋鋪 澄清

鋪 軍山鋪 俱東南往長沙府益陽 張家鋪 南疆鋪

俱往沅江縣路天順成化間知縣李 縣前鋪 馬公

鋪 河渡鋪 白蛇鋪 俱西往龍

關 鷺鷥橋 在縣東 明月橋 在縣西 拱辰橋 在縣西

橋宋柳拱 野家橋 在縣北 會節橋 在縣西北 一里火星

辰歸老處 一里 池玉帶河二水合流

於此潛水橋在縣北弘治十二年義官熊致建上橋在縣北弘治年間重建白沙渡

在縣東四十里鎮江渡在縣南康家渡在縣東三十里通龍陽縣麻河渡在縣北一

百二十里利兵橋在縣二里舊傳漢馬援常駐軍於此遇仙橋在縣南

昔黃石公董大夫會於此故名白石橋在縣西七十里清風橋在桃川官前文步

橋在縣東二十里龍潭橋在縣南五十里冷水橋在縣南門外大拓橋在縣南二

十里洞婆橋在縣南七里安立村二股橋在縣西南五里安立村雙楓橋在縣南專

村黃庭橋在縣南三十里小塘村魚鮮橋在縣南小安村車塘橋在縣西七五里

村胡家縣河渡在縣北龍津門外滄港渡在縣西二十里龍津渡在縣南七十里

龍家渡在縣西三十里龍港渡在縣西四十里德勝渡在縣西一十里謝家渡

在縣北二里
東倉渡 在縣南四十里
黃店渡 在縣西二十里
劉家渡 在縣西二里

十五里
散蹤渡 在縣北四里
橫山堡
黃港堡
龍渡堡
鳳

橋堡
羅坪堡
黃合堡
梅溪堡
成陂堡
周灣

堡
陶堤堡
武坪堡
純陽堡
濠州堡
羨勝堡

共十
上瓊橋 在縣西一里
下瓊橋 在縣西半里
俱弘治間知縣馮錫修正德中知縣

金靈
重修
白駝橋 在縣西三十五里
橫龍橋 在縣西十八里
細魚坑橋 在縣西

十
上瓊湖渡
下瓊湖渡 俱在縣西二渡
知縣馮錫重建
白

沙渡 在縣北三十里
赤橋渡 在縣東一里
二渡 知縣馮錫造有船渡

大善寺 在府東地 半旦 宋建
玄妙觀 在府西
後保寺 在縣東十

北六十里宋寇準題三十字云庚申年秋九月平仲南
行至井泉院僧以詩板示之征遠不暇吟咏代記年月
後丁謂過此有詠見題詠
光福寺 在縣西南三里許
報恩觀 在縣東二里
道

德觀 在縣西二十里居山絕頂前伏大江極目無際
乃武陵登覽最勝處久廢基存今建為太和觀
靈

芝觀 在縣東北七十里
梁時產靈芝因名
脩真觀 在縣東二十步成化
觀

勸善寺 在縣東一里
洪武初建
觀音寺 在縣西一里
洪武年間建
真源觀 在縣

百步洪武初建
即後蟠桃巷也
淨照寺 在縣治西一里一名西禪寺
又名香積寺唐咸亨間重建

宋淳熙初賜額洪武十六年開
設僧會司在焉內有張旭墨池
東禪寺 唐開元間文英
禪師建在縣東

北
皇城寺 在縣北西林村
宋紹興間建
景星觀 在縣南半里宋紹興
間道上皇甫師正建

永樂間
重修
景星寺 在縣北
治北
烏龍寺 在縣西四十里
內有卧龍墨池
滄浪寺

在縣治南三十里 **明王寺** 在縣治北

祠廟 **城隍廟** 在府東二百步洪武間建 **靈輓祠** 鄉賢

名宦祠 具在儒學內 **旗壽縣廟** 在常德衛治內 **八蜡廟** 在府東正

德三年知府王瑩建奉祀先農 **善卷祠** 在杜山上有善卷壇 **屈**

原祠 在屈亭後 **張虛白祠** 在縣西一里虛白宋 **袁烈士祠**

任善濟山祀唐人 **二妃廟** 在縣西二妃娥皇女英也即 **表**

陽山廟 在縣東北三十里漢時郡人建以祀陽山之神 **表**

本朝命有司 **忠佑廟** 縣境祀宋刺史程 **馬伏波廟**

在縣西五里漢伏皮將軍馬援 **關羽廟** 在縣東一里三 **征五溪蠻有功後八立廟祀之**

蜀安輯南郡邑人爲之立廟
城隍廟 在縣治東南
潘將軍廟 在縣西將

潘濬也常駐軍是邑有功於民故
爲立廟 本朝命有司歲時致祭
張大帝廟 在縣南祠

君姓張諱渤字伯奇武陵龍陽人今
有廟在直隸廣德州即埋藏之所
城隍廟 在縣
赤山

廟 在縣東一百八十里即洞庭君主
仙翁祠 在縣治南六里金牛山
青典史祠 在縣

治東見名宦類
蠡山廟 在蠡山唐光宅間建以祀越相
范蠡其女稱武陵娘子濟甯祠
城隍

廟 在縣治東湖西廟即大悲寺壇址
祀水神

壇 在府西二里
山川壇 舊在府東三里今遷入二府內俱

正府致祭
郡厲壇 在府北三里正德十武見府
三年知府陳希文脩
社稷壇 在縣

西三
山川壇 在縣東二里弘治中署
縣事知事林世傑脩
邑厲壇 在縣北

社稷壇 在縣西一里 洪武初知州段 山川壇 在縣南一里

邑厲壇 舊在縣北 一里 許汝武初知州段 是建 社

稷壇 在縣西 一里 山川壇 在縣東 一里 邑厲壇 在縣北 一里 其各

多寡設之制 建俱無考

陵墓 **春申君墓** 在開元寺內 楚春申君黃歇 **龍若玄之墓** 在縣治南玄之

晉徵士

古蹟 **張若城** 在縣東一百步 秦白起遣其將張若築此 城以拒楚 後漢梁松伐蠻又脩之 白義陵

移郡 治此 **司馬錯城** 在縣西 秦使錯與張若伐楚 黔中相對 各築一壘 以拒五溪 咽喉後馬援又脩

之 **南城** 在善德山上 宋宣撫使韓宣 在縣東北

名空籠相傳廢漢壽縣在縣東四十里本漢索縣陽嘉
為常德舊城漢壽縣中改曰漢壽吳改曰吳壽晉復

舊隋省入武陵春申君宅在開元秀水斗門在縣學
今為漢壽鄉

步宋端平間樂令園在縣境齊令樂藹種石檀有二
太守龔顯纂樂令園果之所詳見名宦類

南一在縣西南後唐副將沈采菱城在縣東北三
如壘砌于沅江邊以禦水勢

產菱肉厚味甘楚平番桃巷在縣境宋大中祥符間邑
主嘗采之有采菱亭虫桃巷人開地見土龕光色照耀

得大果九枚識者引漢武劉公城在縣西三里漢昭
內傳及博物志以為蟠桃

沙零陵桂陽四故關州在縣東南五十八里蜀
郡因立城於此漢關羽屯兵處所故名

名宦陸康武陵太守靈帝欲鑄銅人詔飲民田每畝
十錢康上疏曰什一而稅周徹法也魯宣

稅畝而蠲災自生哀公增賦而孔子非之豈有奪
民錢以營無用之物哉書奏為內幸所諸免官陳奉

浦志卷之十八

武陵太守未壽中五溪蠻攻其郡奉率吏民應奉武陵

擊之大破悉降由是蠻夷懷服無敢再犯

時苗蠻詹山等率眾反奉到官慰納山等

感化悉降於是興學校舉側陋政通俗變

陵人仕漢為伏波將軍封新息侯建武中武陵五溪蠻

叛人仕漢為伏波將軍封新息侯建武中武陵五溪蠻

首二千餘級兩道可通一從壘頭則路近而水險一從

充則路夷而運遠耿舒欲從充入援欲從壘頭以隘其

咽喉事進營壘頭賊乘高守隘水急舟不得上會水甚

梁松

字伯孫相傳後漢光武駙馬都尉建武間武陵

耿舒以其事聞上遣松為虎賁中郎將馳驛責問未至

受惠松沒立廟祀之事聞加封漢征南將軍梁公之神

十月十六日祭之祝曰惟神肇由中郎克服蠻邦論功

封謚自侯而王累朝血食神德昭彰恪遵祀典致祭

步批尚冀好事者
稽史考而正之
李陵
臨沅人後沒匈奴
為立清陵館
三國
本黃

蓋
吳本郡太守時洞蠻方入城寇掠蓋擊之誅其魁帥
赦其脅從郡境遂清凡決事無所留滯郡人思之

鍾離牧
吳懼五溪蠻與蜀接界或致叛亂以牧為
太守後溪蠻叛牧討平之及卒士民思之
晉

應詹
太子舍人督軍事天門武陵溪蠻並反詹討降之
時政令不一諸蠻怨望並謀皆叛詹召蠻酋破銅

券與盟由是懷詹數郡無虞其後天下大亂詹境獨全
百姓歌之曰亂離既普始為灰朽僥倖之運賴茲應后

歲寒不凋孤境獨守拯我塗炭
惠隆丘阜潤同江海恩猶父母
劉俊
齊內史善於撫

字自齊還吏民
送者數千人
樂鵠
齊縣令治園植桃李去後百姓
愛之不忍剪伐因名樂令園

唐
劉禹錫
朗州司馬政暇惟以文章吟詠陶寫作為
新詞以教巫祝故武陵溪洞間夷歌多禹

錫之
温造
朗州刺史開後鄉等渠以溉田凡
三千頃郡人德之名為右史渠
李翱
朗州

開樊陂及津石陂既田惠李建州刺史脩通古尊民

政及民有文集在郡齋李堰又為求秦渠既田民

甚賴焉名宋師顏知朗州有操尚以簡薛居正州知

曰潤未堰師顏靜為治朗人便之乃知僧無與謀

士卒數千嘯聚為盜監軍使疑城中僧與謀欲盡殺之

居正以計緩其事因擒賊首汪端詰之乃知僧無與謀

者咸陶弼知鼎州善於綏輯章惇經岳飛置使討賊

得免於鼎州降其眾數萬么負固不服方浮舟湖中飛

楊么於鼎州降其眾數萬么負固不服方浮舟湖中飛

除是飛來至是程昌寓知鼎州兼鼎豐鎮撫使時湖賊

李

建

州

刺史

脩通古

李

建

州

刺史

脩通古

李

建

州

刺史

脩通古

李

建

州

刺史

脩通古

李

建

州

刺史

脩通古

李

建

州

刺史

脩通古

李

建

州

刺史

脩通古

李

建

州

刺史

脩通古

李

建

州

刺史

脩通古

無曹為帝曰其病安在對曰言官不及時政下情

減四分李燾知府事境多茶園時禁商賈率至交兵

名曰忠祐凌皇夏守鼎州乞咸程昌寓所增蔡州

人為之立廟凌皇夏官兵衣糧錢六萬四千餘緡詔

人以其言為識程昌寓楊么來攻昌寓以蔡兵禦之後

除是飛來至是程昌寓知鼎州兼鼎豐鎮撫使時湖賊

者咸陶弼知鼎州善於綏輯章惇經岳飛置使討賊

曰潤未堰師顏靜為治朗人便之乃知僧無與謀

士卒數千嘯聚為盜監軍使疑城中僧與謀欲盡殺之

安得通都城包首公行則州郡橫斂張運通判鼎州

無可疑者帝然之後在郡有聲賊雷德進

險稱亂帥檄運討之運將都統梁吉等率兵直擣其巢

破四十一柵降其衆大將駐兵淮壩以拒金運給餉未

嘗乏絕時袁申儒由龍飛進士第為武陵太守多善政

稱其能及民嘗置貢士庄以供常德一郡貢

士又親為之記武唐介為縣尉又為沅林亭英宋紹興

以傳示久遠江令皆有台聲

武陵縣嘗創建大成殿兩廡戟門桃源錢景持知縣時鍾

鏗是講堂齋舍陸象山為之記相犯城景

持與鍾力戰遂為所

殺事平後贈二官

姚孳知縣有虎孳禱議社諭以文越

三日虎仆於祠陽龍呂午知縣豪民陶半正殺入午正其

傍奏課為第一陽龍

大夫以待用而午

治縣之政特書之元本倪德政常德路總管有惠愛於

立遺何琦北平布政司宛平縣人以總哈咄郡監有善

愛碑北平布政司宛平縣人以總哈咄郡監有善

愛碑北平布政司宛平縣人以總哈咄郡監有善

翰民難於有荷乃從北門外至潛水十五里開河以便之歲早得以既田民甚賴焉

州益知州事洞寇侵掠人民饑饉益賑濟保撫之如子民視之如父母後陞常德路總管

本朝 **張子俊** 字傑夫洪武初知府事有德政不事須苛

知禮讓以厚風化為本關尊德作燕賢詩序以美之

潤 洪武初任柳州府通事 **應履平** 浙江寧波府奉化縣人

輸麥履平以地不宜麥征斂惟艱欲代以米事聞詔許之民大悅又注意學校作與士類秩滿阻雲南布政

使既去民德 **朱縉** 紹興府餘姚縣人景泰初知府事在任

郡邑以民送旅襪 **尤琮** 直隸山陽縣人監生天順初

宣 江西樂安人進士成化初知府修府志 **楊** 侵於隣邑者宣循行體監盡以還民巡撫都御史吳

龍苗益 元陞縣為

錫誥褒嘉 朝 王績 直隸華亭人 成化間知 朱裕 河南泌

治中 通判 以廉能聞 永保構訟 彌成弗決 王未 直隸宛

當道 使辯之 裕至厲辭 卻賂剖決 而歸 蘇州人 成化

工正 德初 知府 公明果毅 不避權 陝 劉纓 中知縣 苞政

勢當 道以才堪 刺繁奏 調長沙 陝 劉纓 中知縣 苞政

六年 澤惠良多 歷 韓宣 宣德間 知縣 事撫恤 孳脩

官南 京刑部 尚書 韓宣 舉廢墜 解宇學 校鋪舍 橋梁

脩葺 一新 陞 青紋 盛 四川大寧人 洪武中 典史 時邑民

武昌 知府 青紋 盛 負租三萬餘石 紋盛 詣 闕請免 章三 上不報 自經 於登聞鼓 下 上命官 覈實 詔觸 之仍 以一千三百為 額民 到于今 思之 因立祠 祀焉 遂寧 人 成化中 知縣 平易 近民 興學校 勸農桑 惠 政及人 居多 尋陞 監祭 御史 官至南京 工部 尚書 流寓 處 柳拱辰 本青州人 五季時 避地 荆楚 遂家 武陵 拱 辰 精易 春秋 宋舉進士 通判 鄂岳 州有惠 愛後 致政 歸 武陵 有 歸老 齋 曾 擊作 記第 處 邢 繹 鄭人 辰子 平 敵等 皆相 繼 擢 第 人 號 武陵 五柳 邢 繹 父 儵

宋時知鼎州因家焉緝以蔭入官連倅五部後倅襄與帥爭疑獄因不仕起知興國軍秩滿歸武陵號復庵居士

張庭堅

廣安軍人宋舉進士歷官右正言在職逾月數上封事嘗為徽宗言司馬光呂公著之賢

後通判陳州以不附蔡京列諸黨籍又坐嘗謫瑤華宮非辜事編管虢州徙鼎州杜昉宋通判

炎初寓居武陵會賊鍾相亂欲邵宏淵大名入寓武陵強使從已昉罵不絕口遂遇害

相反於湖湘宏淵將兵擒其渠魁授鼎澧統領揚公犯州宏淵擊敗之用韓世忠薦授間門舍人與劉錡擊退

金人同李顯忠降金將蒲察徒穆等累戰有功仕至定遠軍節度使

人物虞益善卷

隱居枉山莊子云舜以天下讓於善卷善卷曰余立於宇宙之中冬日衣皮毛夏日

衣葛絺春耕種形足以勞動秋收斂身足以休息日出而作日入而息逍遙於天地之間而心意自得吾向以

大下為哉遂不受而去宋政黃歇號春申君相楚和問賜號曰遜世高蹈先生

此二十餘年門下食客三千人其上客皆漢廷田強漢

齒領也王莽欲錫強銅印強有子十人雄勇過人乃曰

吾等漢臣誓不事莽以其三子將五萬人下屯沅東各

築一城烽火相應曰子居上城國立廖立從事諸葛亮

城王子居中城倉子居下城廖立從事諸葛亮

答吳使謂龐統廖立楚之良材後徙長水校尉立快快

坐廢為民徙汝山郡率妻子耕植自守及聞亮卒泣曰

吾終為潘濬潘濬吳孫權拜濬中郎將遷太常時五溪蠻叛

左社矣潘濬濬督諸軍討之信賞必罰斬獲數萬自是

群蠻衰弱李衡吳建興間為丹陽太守加安遠將軍每

一方以寧李衡欲理產業妻習氏不許衡密遣人於龍

陽汎洲種橘千株臨終謂其子曰汝母惡吾營家故貧

如此吾於汎洲種橘乃千頭木奴不費汝衣食太史公

言江陵千株橘其人與閩會避地涼州州牧張茂

千戶侯等蓋謂此也

人苦其役曾夜扣門諫潘京弱冠時郡辟主簿有機辨

之遂罷役涼人大悅

潘京後舉秀才至洛與尚書令

樂廣共談累日廣歎其才曰君天才過人若加以學必
為一代談宗京感其言遂勤學不倦時武陵太守戴昌
父子亦善談俱為京所屈歷巴丘邵龔玄之好學潛默
陵泉陵三令明於政術路不拾遺

公府辟皆不就孝武間其名微為散騎
常侍固辭子元壽熱民孫祈皆有聲
邵榮興八世同

辟皆不應後
伍朝少好學臨池學書水為之黑劉弘持
旌表門閭

南北朝
范安祖與族人祖根齊名五世同
居齊建元中旌表其門
伍安貧博

嗜學梁累降玄纁之禮皆
以疾辭嘗撰武陵圖志
黃閔博學有詞藝撰沅州志
唐章懷太子辭郡國志

取之
唐
韓約歷兩池權運使虔州刺史權安南都護
文宗時授左金吾大將軍初約為代北

水陸轉運使脩廢田歲
收粟二十萬石入賴之
宋
鍾正甫治平初進士與米

器之後為廣東轉運有美聲
蔡京置正甫黨碑中坐謫
楊維嘉祐中進士工詩神
宗時進宮柳詩百篇

上親誦數篇遂大傳播嘗召管師復自號白雲先生

見御書清白傳家以賜之

經明行脩薦為學官第師常亦齊名揚演志在泉石棄官隱桃源山王在

端平初進士治周禮真德秀知貢舉張頡兄顯慶曆擢冠本經後攝倅施州城陷死之

材幹聞頡皇祐初亦第進士在州縣有能名歷廣龍丁東西等路轉運使以材譖推重於時後知荆南府

易東舉進士為編脩官入元數徵不起註周易傳疏以

額沅陽書院陳起舉進士調寧鄉今改令秭歸又歷授以山長

疏鑿新灘舟行以安歐陽元光祖茶陵州同知以脩銘其功于石終永州倅

勤慎廉能名擢廣西兩江道副都元帥

本朝馬汝舟武陵縣人洪武甲辰率眾歸附時總兵徐丞相就令汝舟掌府事開創郡治建置公

通志卷之十一

字教民耕桑讀誦是時
民亦順治而無梗化者
劉庭蘭洪武丙子鄉薦初任福

部清吏司郎中歷官勤慎茂著能聲擢交趾
按察司僉事尋陞廣東惠州府知府以疾歸
張以澄洪武

已卯鄉舉歷官勤能累
陞河南布政司參議
何頴由進士擢四川峩眉令多

穎疑其寃然禱于城隍果得
真盜累官江西按察司僉事
馮貴洪武庚辰進士擢兵

陸交趾布政司參議尋轉參政累有軍功討賊
赴敵而死洪熙元年贈交趾左布政使復其家
朱應祖

永樂間由監察御史陞
建按察使以才能著稱
余士賢永樂間以監生任順

府政聲
楊輔永樂丁酉鄉薦任刑部河南清吏司主事

按察使
李光學永樂間以監生知直隸興化縣存心仁

皆飛去其一折翅獨留光學命取而藥之愈亦飛去後
光學病危思食鮮魚忽有鸛啣一編置於庭光學命烹

食之病遂逾人以驗劉璟任御史骨鯁敢言權倖退陳策

巡按貴州廣西河南糾察公楊維任四川夔州知府地

明深得憲體以疾乞歸卒

虎即尋成夔馮維由進士累官廣西參議貴州參政執

人至今德之剛直操行廉謹有文學居官不畏

權勢雖擯斥益堅節義朝野倪永壽永樂辛卯領鄉

稱之後進柳仲芳薦入鄉賢祠

州知州性和易治郡清簡政不煩苛文澍歷南京刑部

教民務農力本州以治稱民懷其惠

慶性耿介不畏疆禦嘗值歲凶郡盜肅聚諭之以法盜

尋息既而解組歸日以吟咏怡情交接一無所苟歿祀

入鄉賢祠

賢祠

科甲進士

何穎

洪武庚辰

胡鄧崙

累官兵部侍郎

鄭文明

俱求樂甲

辰

刑榜劉璟

成化丙戌羅

楊維

成化壬辰

吳薛俊

成化甲辰李旻

榜任北京大理評事萬璇弘治庚戌錢福縣知縣楊禔弘治丙辰朱希周榜見任太僕寺卿

陳洪謨弘治丙辰朱希周榜龍琰正德戊辰呂楠榜任主事程士

箴洪武乙丑馮貴洪武庚辰馮維正統乙丑陳策成化丁未

費宏榜仕至文澍成化丙戌羅倫榜見人物李顯成化甲辰科李

南康知府彭恭成化壬辰吳寬榜仕楊杲俱成化周鳳乙未謝

遷鄧志學洪武乙丑管谷奇洪武戊辰任亨泰

舉人李文政劉克己李紹祖俱洪武覃明德

李文貴俱洪武王原禮洪武丙子科張以澄張志和俱洪

科王紹先洪武壬午科姜以良周伯常俱永樂郭址元譚

濟俱永樂辛卯科張茂敬張以忠伍彬蘇潤俱永樂甲午科揚

輔張清熊友智俱永樂丁酉科梁大源周達陳俊

何泓俱永樂癸卯科汪浩正統辛酉科陳縉正統丁卯科萬殊景泰庚午科黃

春景泰癸酉科徐綱景泰丙子科萬璽李芳張清俱成化戊子科以上

俱武人姚貴成化甲午科任畫芳成化甲午科任萬璇

王瑞俱成化丁酉科任覃昂成化庚子科任酉仁成化

庚子科仕止江陳良成化庚子科仕止楊儀成化庚子

西廣信府通判丁護成化癸卯科任四吳鎧成化丙午科任四朱璉弘

己酉科任江西李廷貴弘治壬子科李壽弘治乙卯科陳大韶

通志卷之十八 常惠 三一

唐昂

俱弘治戊午科

胡鸞

弘治辛酉科

楊應春

俱正德庚午科

龔廷秀

元亨

閔廷圭

萬松

俱正德丙子科

楊以德

洪武甲子科

龔子

富

洪武癸酉科

任添義

劉廷蘭

龔敏

俱洪武丙子科

劉紹原

未

科戊子

周友信

魚忠

俱永辛卯科

翟霖

未樂甲午科

龔子高

李

思誠

俱永丁酉科

田疇

未樂庚子科

譚恩賢

未樂癸卯科

楊霖

宣德己酉科

張格

王靖

張質

俱正甲子科

胡贊

景泰癸酉科

與信

景泰丙子科

張諒

成化乙酉科

陳策

成化戊子科

李蒞

華純

俱成辛卯科

譚尚賓

正德丁卯科

國子監博士

萬楷

正德庚午科

毛鳳岐

正德丙子科

張珩

龍

翔霄

俱正德己卯科

楊信忠

洪武癸酉科

劉百川

未樂戊子科

倪永壽

田鐸

張貴

保永樂 辛卯科

高以昇

永樂 丁酉科

黃敏

李思政

樂庚子科仕終

鄭永安

永樂癸卯科仕 止蜀府伴讀

李端

郭海

樂癸卯科仕

文澍

天順巳卯科

胡廷祐

成化丁酉科仕 止 四川珙縣訓導

吳紳

成化丁酉科仕 雲南廣南府經歷

李顯

成化癸卯科仕 進士

蘇顯

弘治戊午科仕 終直隸青陽縣

知縣

印偉

弘治甲子科

吳炳

瀘州知府 貢仕終

魯均賢

刑部主事 貢仕至

鄧天祥

西明川府同知 貢仕終 廣

朱欽

南廣西府同知 貢仕終 雲

戴昕

貢仕

終雲南寧州同知

歐陽德基

洪武丁卯科仕 應天府六合縣知縣

孫檜

洪武癸酉科仕

止山西臨淄縣教諭

胥必彰

洪武癸酉科 見人物

趙宗義

洪武丙子科 止教諭

史守

衛永樂乙酉科 未仕

靳暹

史文林

永樂甲午科 仕終訓導 俱

周方

訓導 仕終

龍忠 閻震 俱永樂丁酉 任終 衛經 歷 廖榮

庚子科仕 李琨 宣德巳酉 李成 正統辛酉科仕 史燦 統

甲子科仕終 杜景華 景泰癸酉科 覃琳 景泰丙子科仕

大理寺丞 李拱 天順壬午科仕終 袁斗 天順壬午科仕終 劉恩

天順壬午科 彭恭 天順壬午科 周鳳 成化辛卯科 劉龍 成化

仕終教諭 彭麗 成化甲午科 范珮 成化雲

杭州通判 薛俊 見進 彭麗 未任而終 范珮 成化雲

科 楊儀 成化庚子科仕 四 李思文 成化丙午科仕 馬顯

明 弘治巳酉科任 廣 史簡 正德丁卯科 李清 正德巳

善 洪武庚午科任 陳祥 李浩 俱永樂 梁大 丁卯科

陳俊 何泓 俱永樂癸卯科 高堅 宣德丙午科 楊廷儀 景泰癸酉任四川瀘州

學正 劉象 景泰癸酉科任知州

張氏 林德成妻年二十而寡舅姑欲改嫁之 以刀斷指誓無他志守節終身

孫氏 史原濟妻年二十五而原濟卒孫誓死不嫁紡織績

梅氏 年十八嫁伍景為妻 聞旌表其門

姑而亡梅父憐其少且貧欲改嫁之梅守節不變紡織 以為食節行無虧成化間有司以事 聞旌表其門

張秉 一日行山澤間遇仙女詣秉曰帝以君功 故遣相配生子以木德王其地且

約踰年再會秉如期往果見前女以襁褓子歸秉 曰當世世相承血食吳楚後生子渤為祠山間 張渤

字伯奇生有神異東遊吳會能變形役陰兵鑿聖瀆河 欲通津於廣德居民思之為之立廟歷代加封廟在

德州又有**黃道真**棄俗居高山脩道乘

洞源大曆間學道于桃源宮辰州瞿伯廷走武陵師事

不可約十八年再見後洞源性潤州之茅山伯廷忽至

洞源曰吾將踏滄海次日亦化濕化為記其事干桃源

宮**藥山師**名惟儼朗州刺史李翱謁藥山問如何是道

天水在瓶翹遂贈以詩曰煉得身形似鶴形千林

松下兩函經我來問道無餘說雲在青天水在甌

張虛白舉進士不第乃辟穀衣弊服從劉易陳搏遊寓

崔嵬之後邑人余安見虛白賣藥於揚州市中乃賦詩

託安遺崔曰武陵溪畔崔婆酒天上應無地下有南來

道上飲一斗醉卧白雲深洞口崔得詩異之啓殯視之屍果解去

終